

Inuit Ukiuqtaqtumiuqatigiit Katimajingit Kanatami


2024-2025

Arragutamaaq Unikkaaliat



Ilulingit

Angijuqqaap Uqausiksanga	1
Traagarjavut amma Atugaksarjavut	2
Katujjiqatigiit Aaqqissimaninga	4
Ukiuqtaqtuq Angirravut	6
Katujjiniq Qaujimanittinnik ammalu Sapujjiniq Imaqutittinnik	18
Silaup Asijjipallianinga	28
Uumajuliriniq Avatilirinirlu	34
Inuqutivut amma Iliqqusivut	42
Inuit Sivulliujjauqujangit Silarjuarmut Tikititaulutik	50
Tunirrusianik Nalunaiqsiniq	52
Kinaujat Unikkaat	54



Nainaaqsimajut

AGM	Arraagutamaaqsiut Katimaniq
AMAP	Ukiuqtaqtumi Qaujisarniq amma Qaujisarnirmut Piliriat [Ukiuqtaqtumut Katimajingit]
CAFF	Papattiniq Ukiuqtaqtumi Pirussianik amma Uumajurnillu [Ukiuqtaqtumut Katimajingit]
CAOFA	Qitiani Ukiuqtaqtuup Tariungani Ikalulirinirmut Angiqatigiiguti
CBD	Angiruti Uumajuit Ajjigiinginniaqqtunut [UNEP]
CBMP	Nunalinnut–Turaangajuq Qaujisarnirmut Piliriat
CIHSC	Ukiuqtaqtumi Inuit Aanniaqarnangittulirinirmut Katimajiralaangit
CITES	Katimaniq Nunarjuarmi Tauqsiiqattautinirmut Nunguliqqtunut Uumajuit amma Piruqsiat
COP	Piliriqatigiinut Katimaniq
DFO	Iqalulirijikkut amma Imarmiutalirijikkut Kanatami
EPPR	Tuavirnaqtunik Pittailittitiniq, Pannassimajaarniq amma Kiujjutiit [Ukiuqtaqtumi Katimajiit]
EU	Tariup Akiani Katujjiqatigiit
FJMC	Iqalulirinirmut Katujjiut Aulattijiit Katimajingit [Inuvialuit Nunangat]
GAC	Nunarjuarmi Piliriat Kanatami
ICARP	Nunarjuarmi Katimaniq Pijjutiqaqtuq Ukiuqtaqtumi Qaujisarnirmut Pannainiq
ICC	Inuit Ukiuqtaqtumiuqatigiit Katimajingit
ICC Alaaska	Inuit Ukiuqtaqtumiuqatigiit Katimajingit Alaaska
ICC Kanatami	Inuit Ukiuqtaqtumiuqatigiit Katimajingit Kanatami
ICC Sukatka	Inuit Ukiuqtaqtumiuqatigiit Katimajingit Sukakkat
ICC KN	Inuit Ukiuqtaqtumiuqatigiit Katimajingit Kalaallit Nunaat
ICPC	Inuit–Kanatata Piliriqatigiit Katimajiralaangit
IK	Nunaqaqqaqsimajut Qaujimaangit
IMO	Nunarjuarmi Umiarjualirinirmut Katujjiqatigiit [UN]
INC	Gavamauqatigiit Aajiiqatigiiktingit Katimajiralaat Nunarjuarmi Angiqatigiigutimut Qillajukianut Sururnaqtunut [UNEP]
IPCC	Gavamauqatigiit Katimajingit Silaup Asijjiqpallianinganut [UN]
IRC	Inuvialuit Pivalliajulirijingita Kuapuriisanngaani
ISC	Nunaqaqqaqsimajunut Pijiqтираqtiit Kanatami
ITK	Inuit Tapiriit Kanatami
ITO	Inuit Angiqatigiigutikkut Katujjiqatigiit
IYEP	Inuit Inuusuttut Ilauttinnirmut Piliriat
IUCN	Nunarjuarmi Katujjiqatigiit Sapujjauninganut Nuna
LCIPP	Nunaliit amma Nunaqaqqaqsimajut Katimajingit [UN]
MEPC	Imarmiutalirinirmik Sapujjiit Katimajiralaat [IMO]
Minamata	Minimata Angiqatigiigutinga Sururnaqtunut Savirajat [UNEP]
MOU	Tukisiumaqatigiilnirmut Angiqatigiiguti
NIYC	Kanatami Inuit Inuusuttunut Katimajiit
NTI	Nunavut Tunngavik Timinga
PAME	Sapujjausimaningiq Ukiuqtaqtumi Imarmiutait [Ukiuqtaqtumut Katimajingit]
PPR	Suruqtailittitiniq amma Kiujjutiillu [IMO]
POPs	Sururnaqtuqainnaqtuq [UNEP]
POPRC	Kajusiniqainnaqtut Sururnaqtut Qimirrujiit Katimajiralaangit [POPs]
SAOC	Innait Ukiuqtaqtumi Angijuqqautinut Iksivautaq [Ukiuqtaqtumut Katimajingit]
SAON	Kasijutittiniq Ukiuqtaqtumi Qaujisaqtinut Timinga [Ukiuqtaqtumut Katimajingit]
SBI	Timiujut Atuliqittinnirmut [CBD]
SBSTTA26	Timiujut Qaujisarnirmut, Pilirijjusinut amma Pilirijjusinut Uqaujuiniq [CBD]
SDWG	Kajusiinnarunnaqtut Pivalliatittinnirmut Piliriqatigiiktut [Ukiuqtaqtumut Katimajingit]
SCG	Qaujisarutinut Tukimuaqtittijiit [CAOFA]
TK	Qaujimaqtuqait
UN	Nunarjuarmi Katujjiqatigiit
UNEP	Nunarjuarmi Katujjiqatigiit Avatilirinirmut Piliriat
UNFCCC	Nunarjuarmi Katujjiqatigiit Aaqquimaninganut Angirutinga Silaup Asijjiqpallianinganut
UNPFII	Nunarjuarmi Katujjiqatigiit Qaujisarnirmut Nunaqaqqaqsimajut Pijjutigillugit
QIA	Qikiqtani Inuit Katujjiqatigiingit

Angijuqqaap Uqausiksanga

Quviasuppunga tunisijariaksaq uuminga Arraagutamaaqsiut Unikkaangani nalunaijaisimajuq angijumik ICC Kanatami piliriarisimajanginni arraaguulauqtumi tunijauqullugit Inuit qaujimajatuqangit ammalu sivulliujjauqullugit nunarjuarmi katimaniujunik pimmaruijunik isumaliuqattaqtut Ukiuqtaqtumi nunagijatta miksaanut.

Tamanna arraagu takulauqtuq amisummarinnik kajusiniqalauqtuni sivulliujjauqujaujuni inunnut akaungiliurutauvattunik nunarjuarmi. Sivumuattittilauqtugut sanajauningani inunnut– aulatauquq aulattiniujuq pijunnautiqarninga Pikialasorsuaq–mut katimatittitilluta 1-ngani piliriqatigiinut Sitipiri 2024–mi. Aujangani ukiaksaanganilu 2024, piliriqatigiittut nunaqaqqaqsimajunut katujjiqatigiit, piqasiutillugu ICC–kut, kajusittialauqtut ajauqtiriningani UNEP Katimavijjuarningani Pijjutiqaqtutik Uumajut Ajjigiinginnuijut mitsaanut sananiarlutit nutaamik namminiqutikkaningani timimmi amma piliriat piliriarijauluni aturlutit Inuit Qaujimajatuqanginni, Nutaannguriaqtitausimajut amma Atuqtauvattut titiraqsimajut. Kisianili, sulijaksaqammariipput nunarjuarmi piliriqataujut tukiqattiaqtukkut piliriqatigaqullugit inunnik ammalu makimaqullugit Inuit pijunnautingit.

Tamaani arraagumi ICC Kanatami takulaurmijuq kingunittini sivuliqtulauqtut kajusittiarniaqtallaurninginnut nunarjuarmi ammalu Kanatami katimaniujunik. Katimajiuqataulauqtuq Aluki Kotierk taijaulauqtuq Iksivautarijaujarianga UN Katimaningani pijjutiqaqtutik Nunaqaqqaqsimajut Mitsaanut. Tisipiri 2024-mi, ICC Kanatami quviasulauqtut upigusugiaksaq angiqqaarilauqsimajangani Nancy Karetak-Lindell tikkuaqtauninganut Sinatumut Kanatami Ittuit Katimajinginnut. Ilagiliqtuniuk Kuin Kiggaqtuqtingat Mary Simon, Inuit Ukiuqtaqtumiuqatigiit Katimajiit angijuqqaarilauqsimammijanga, quttiniqpaani Kanataup gavamakkunni ajauqtirijjutinik nutaanik qiniqpattut Inunnut ammalu Ukiuqtaqtumut.

Ilulinginni Arraagutamaaqsiut Unikkaanginni nalunaijaisimajuq qanuilingalirninginnut tamaani kiinaujalirinniup arraaguani. 2025-2026-mi, niriuttiaqtugut sivulliqpaami arraagumi Kiggaqtuqtinga Tianmaak iksivautauniarmat Ukiuqtaqtumut Katimajinut. Angirrattinnut qaninniqsauliqtuni, ammalu Piliriqatigilugit Inuit Angirutingitta Timiqutingit amma Inuit Tapiriit Kanatami–kkut, niriunniqattiaqtugut piliriqatigarniarnitinnik niruaqtaurataaqtunik Gavamatuqakkunni sivummuattitaunginnaqullugit Inuit sivulliqpauqujangit.

Niriuttiarmijugut piliriqatigattiarniarnitinnik aviktuqsimajuni tunngasuktittijiuniaqtut nunavut tunngavik timingannik ammalu asinginnik Inuit Ukiuqtaqtumiuqatigiit allavvinginnik parnaitillugit 15-gijanganik ICC katimavijjuarniriniaqtanga Iqalunni, Nunavummi Julai 2026-mi. Una katimaniulaaqtuq katitittilaaqtuq inunnik Ukiuqtaqtumiingaaqsimajunik pannagiaqturlutit piliriarijaulaaqtumik Inuit Ukiuqtaqtumiuqatigiit Katimajinginnut arraagu 4 aggipalliajunut ammalu quviasuutigilugut iliqqusivut. Iliqqusittigut Inuit atausiuqatigiimmatat, ammalu tamanna sannginiujuq amma atausiuqatigiinni pijunnatittimmat ICC Kanatami piliriariniaqtanginni nunarjualimaamik piliriangujunik.

Qujannamiimmarialuk kiinaujaqaqtittijivut ammalu amisuruqpalliatuinnarninginni tunirrutiaqpattut, ikajuqtuininginnut Inuit nipinginni nunarjualimaami.

Nakummek,

Natan Obed

NATAN OBED
ICC KANATAMI
ANGIJUQQAANGUKAINNAQTUQ



Traagarjavut amma Atugaksarjavut

Inuit Ukiuqtaqtumiuqatigiit Katimajingit Kanatami (ICC Kanatami) kiinaujaliurasuaqtiunatik katujjiqatigiingujut kiggaqtuijiullutik Inuit pijumajanginnik Kanatami pijjutigillugit nunarjualimaami pimmarialuuniqaqtut. Nassapattavut Inuit isumaaluutingit nunarjuarmi katimaniujunut quttiktumiittunut–isumaliurutauvattut attuiniqaqtut Inuit nunanganit. Saqqijaaqtittivattugut, ajauqtuivattugut, quviasuutiqaqpattutalu tamainnik Inuit iliqqusinginnik: qaujimanittinnik, uqausittinnik, sanaugattinnik, ukpirijattinnik, ammalu unikkaaqtuattinnik.

ICC Kanatami ilagijaujuq tisamanut allavvinut nunarjuami Inuit Ukiuqtaqtumiuqatigiit Katimajinginnut, papattijiullutik ammalu tukimuaqtittijiullutit atausiuqatigiinnirmik Ukiuqtaqtumik amma ajauqtuijiullutik kiggaqtuqtaminut inulimaat. Inuit Ukiuqtaqtumiuqatigiit Katimajingi saqqitaulauqsimajut 1977-mi, taissumani Inupiaq sivuliqti Eben Hopson qaiqujilauqsimammat Inunnik sivuliqtinik uqausiqaqullugit qanuq atausiuqatigiittukkut, ajjigiiktunik kiujjutiksani tunisijunnarmangaata kiujjutauniaqtunik angillivallianiujuunik Inuit inuusinginnut aanniqtiriniuvattuq.

ICC arraagut tisamat aniguraimmata katimavattut Ukiuqtaqtumiinngaqsimajuinnaullutit niruaqpattut nutaamik Iksivautamik amma Aulattijiit Katimajinginni, aaqqissuinaiaqtunik atuagarnik amma angirlutit piqujivungaarutinik ikajuqtuijjutauniarlutit piliriksaujunut katujjiqatigiimut aggitunut iniksarijaujunut, amma quviasuutigijauluni Inuit iliqqusinga.

Arraagut 4 aniguraimmat, malillutit Katimavijjuarniujut, Iksivataup ininga – nunarjuarmi sivuliqtiit – nallikitauiqattaqtut atausirmi aviktusimajumik nunalimmiingaaqtumik. Kanata katimatittilaqtuq katimavijjuarniulaalirmijumik, Iqaluit, Nunavummi, Julai 2026–mi amma niriuppugut nunarjuarmi iksivautaulaarliriksaxa.



Tukimuaqtittiniq piliriqatigiinnirmik inunnik Kanatamiutani ammalu Inuit Alaaskamiutanik, Suukatkami, ammalu Kalaallit Nunaannit.



Nunarjuarmiunut aqutugijauluni Inuit Kanatamiutat isumaaluutigijamikni uqausiqarniarmata nunarjuarmi timiujunut, nunarjuarmi katimaniujunut, gavamauqatigiit katimaninginnut, nunarjuarmi–gavamaungittunut katujjiqatigiinut, ammalu



Saqqijaaqtittiluni, sapujjiluni, ammalu quviasuutiqarluni Inuit pijunnautinginnik ammalu iliqqusinginnik nunarjualimaami.



Aaqqissuiluni ammalu aaqqissuijuluni piliriqatigininginni Inuit Angirutigut Timiqutinginni Kanatami pijjutigillugit nunarjuarmiunut pijjutauijut.



Kiggaqtuiluni Inuit Kanatamiutat isumagijanginnik ukutiguuna Aulattijiit Katimajingitigu ICC (Nunarjuarmiut) ammalu atuliqtittiqattarluni, Kanatami, piqujivungaarutinik saqqiqtaujuat Katimavijjuarniujunik ICC-kunnut.



Piliriqatigarluta ilagijaunginnaqtunik katimajiqutinik (ITK, Pauktuutit, ammalu NIYC) kajusitittiniarlutit uqaqatigiinnarnirmik Kanataup Gavamakkungita ministanginni pijjutiaqtunik nunarjualimaami pimmarigijaujut Inunnut.

Katujjiqatigiit Aaqqissimanninga

ICC Kanatami Katimajingit Maatsi 31, 2025-mi

ICC Aulattijiit katimajingita Maatsi 31, 2025-mi

Katimajinut Aulattiji	Katimajiit	Ilaunginnarniaqtut (Niruarunnangittut)	SARA OLSVIG ICC IKSIVAUTARIJAUJUQ			
			KALAALLIT NUNAAT	KANATA	SUKATKA	ALAASKA

NATAN OBED
Angijuqqaangukainnaqtuq

HERBERT NAKIMAYAK
Angijuqqaap Tungilinga
Silarjuamipiliriangujunut

DUANE SMITH
Titiraqti

JEREMY TUNRALUK
Angijuqqaq
Nunavut Tunngavik Timinga

PITA AATAMI
Angijuqqaq
Makivvik

JOHANNES LAMPE
Angijuqqaq
Nunatsiavut Gavamangat

DUANE SMITH
Iksivautaulattijimmarik
Inuvialuit Pivalliajulirijingita Kuapuriisanngani

NANCY ETOK
Iksivautarijaujuq Katimajit
Pauktuutit

SUSIE-ANN KUDLUK
Angijuqqaq
Kanatami Inuit Inuusuttunut Katimajiit

HJALMAR DAHL
ICC Kalaallit Nunaat Angijuqqanga
ICC Iksivautaup–Tungilinga

KATHRINE BØDKER
Katimajiit

NATAN OBED
ICC Kanatami
Angijuqqaangukainnaqtuq
ICC Iksivautaup–Tungilinga

HERBERT NAKIMAYAK
Katimajiit

VALENTINA LEONOVA
ICC Sukatka Angijuqqanga
ICC Iksivautaup–Tungilinga

EGOR VERESHAGIN
Katimajiit

MARIE GREENE
ICC Alaaska Angijuqqanga
ICC Iksivautaup–Tungilinga

**NICOLE KANAYURAK
WOJCIECHOWSKI**
Katimajiit

ILISAQSINIQ ANGIQSIMANIRMIK AMMA SIVULIQTIUNIRMILLU

Qujannamiirumajavut Lisa Qiluqqi Koperqualuk aksuruttialaurninganut amma sivuliqtuninganut ICC Kanatami angijuqqaarijaulluni aulangani 2022 ukiunganut 2025. Qujannamiiqtavut Aluki Kotierk, angijuqqaangulauqtuq NTI-kunnut, katimajiuqataulaurninganut tisipiri 2017-mi Tisipiri 2024-mut. Niriuttugut piliriqatiqakkanirniatinni Alukimi taikani nunarjuarmi katujjiqatigiit katimavijjuarningani nunaqqaqaaqsimajut pijjutigillugit. Qujannamiiqpavut nuqqarnialiqtuq NIYC-kut angijuqqaanga Susie-Ann Kudluk ikajuqsimaninganut katimajittinnut ammalu inuusuttunut qanuiliurutaujumasiujuq ICC Kanatami–kunnut arraaguuk marruuk aniguqsimaliqtuuk!





Ukiuqtaqtuq Angirravut

Inunnut, Ukiuqtaqtuq angirravigattigu. Tavvani uqausivut, uppirijavut, inuusivullu kajusittianginnarmat sukkajumik asijjiqpallianginnaruluaqtillugu. Aqqutigilugit Ukiuqtaqtumut Katimajiit ammalu asingit Ukiuqtaqtumi katimaniujut, ICC-kut sivumuaktittivattut Inuit sivuliqtuninginnik aaqqiksuiqullugit sivuniksanga nunaqutigijavut tamatta. Pitittiqattaqtugut kinguvaatta qaujimanirijanginni ammalu atuqsimajanginni, qaujimattiarasuttuta isumaliurutaujut Ukiuqtaqtumi amma Ukiuqtaqtuup miksaanut malittiaraluarmangaata pijaujarialinnik ammalu tautunnguaqtanginnik tamakkununga nunaqaqtunut tamaani.

Ukiuqtaqtumut Katimajiit

“
ICC-kut
assuruutiqaqsimavut
saqqiqtauningani
Ukiuqtaqtumut
Katimajiit. Inigijavut
Ukiuqtaqtumut
Katimajinut
ajjiungittumik
inuulluta, namminiq
uqausiqaqtuta,
iliqqusiqaqtuta,
pimmarigijaqaqtuta,
piqqusituqaqaqtuta,
nunaqaqtuta ammalu
pijunnautiqaqtuta
namminiq
aulajunnarnirmik”.

ICC-KUT QANUILIURNINGANUT
PAIPPAANGA, “SAPUMMIJJUUQ
AMMA SANNGATITTINASUAQTUQ
UKIUQTAQTUMI KATIMAJINIK,”
JULAI 2024.



Ukiuqtaqtumut Katimajingit pimmarigijauvuq amisunut pilirianguvattunut nunarjuaalimaami Ukiuqtaqtumi ikajuqtiinnirmut. Ulaasiannkut juukainmuunnirijangit, maanna 3–giliqtanga arraagumi, sulī attuiniqaqtuq Ukiuqtaqtumut katimajingita pilirianginnik amma Ukiuqtaqtumi piliriqatigiinnijumi kisutinnarnut. Piliriqatigiittut Ukiuqtaqtumut Katimajinut qarisaujukkat katimaniqaqpattut, kisiani Ukiuqtaqtumi Angijuqqautiit katilaungittut amma kisiani aulaniqainnaqtut atuagaqtigut titiqqanginnut.

Ilagijauulluni saqqiittauninganut katujjiqatigiit, ICC–kut kajusiniqtaqtut sanngijumik ikajuqtuullutit katimajiit pilirianginnik ammalu uppirusuttutik atuutiqattiarinnik. ICC Kanatami upigusukput sivuliqtunirminik ICC–kut piliriqatauninginnik pingasunik 6-ngujunik Ukiuqtaqtumi Katimajit piliriqatigiitkunik.

TAMAANI ARRAAGUMI PIMMARIALUIT QANUILIURUTAUSIMAJUT



MAI 2024: ICC–kut iksivautanga Sara Olsvig, ICC–kut iksivautangata tungilinga Lisa Qiluqqi Koperqualuk ilaulauqtuuk 3-nganni Ukiuqtaqtumi Angijuqqautiit Iksivautarijaullutik ammalu Ilaugataunginnaqtut Ilagijaujut Katimaninganut Bodø, Norway-mi, uqausiqaqtutik pilirianguvallaiajunik ammalu parnainirmik Ukiuqtaqtumut Katimajinginnut.



JULAI 2024: Saqqitauninga ICC–kut qanuilinganirijangat paippaaq, “Sapujjisimaniq Sanngattigiatittinirilu Ukiuqtaqtuup Katimajinginni.” ICC Kanatami piliriqatigalauqtuq asinginnit ICC–kut allavvinginnit taassuminga titiraqtutik. Uqaujilluni ilagijaujunik sannginiqsauliqullugu aulattinirijaujuq Ukiuqtaqtumut Katimajinginni, ilisarijaullutit Inuit Qaujimajatuqangit tamainnik piliriassanik ammalu Piliriqatigiittut pilirianginnik, iluittumik atuutiqattiaqtumillu ilautittinirmik ammalu tukiqattiaqtumik ilautittinirmik ilaunginnarniaqtunut, ammalu pijunnarniqtaqtittinirmik amma kiinaujaqaqtittinirmik Inunnut–aulataujunik qaujisarnirmut qanuiliurutaujumajunik.



SITIMPIRI 2024: Nuaviijan Ukiuqtaqtumi Kiggaqtuqtinga Amma Angijuqqautiit Ukiuqtaqtumi Iksivautaq, Morten Høglund; Iksivautaq SDWG, Inga Nyhamar; ammalu iqqanaiajaqtiit Ukiuqtaqtumi Katimajingita Allavvinganinngaaqtut pulaarialauqtut ICC Kanatami allavvinganut tukisigiaqtuqanniqtutik ICC Kanatami piliriarivattanginnit. ICC Kanatami Titiqqatuqarnik Papattivinga tusaruminarijaulauqtuq pisimattiningani titiraqtausimajunik tunngavigijaulauqsimammat Ukiuqtaqtumut Katimajinut ammalu ICC–kut piliriarisimajanginni arraagut 40 aniguqsimaliqut.



JAANUARI 2025: Ilaulauqtugut 4–ngani Angijuqqautiit Ukiuqtaqtumi Iksivautaq ammalu Ilaugataunginnarniaqtut Katimatillugit Tromsø, Norway-mi, taikani piliriqatigiittut uqausiqalauqtut isulinninganik piliriangujuq Nuavaimi Iksivautanganut ammalu parnaisarailirniuniaqtumut Kiggaqtuqtinganut Denmark Iksivautat (2025-2027).

3–ngani Angijuqqautiit Ukiuqtaqtumi Iksivautaq
Amma Ilaugataunginnaqtut Katimaninga
Bodø, Norway-mi, 29 Mai 2024.



Niriuttiaqtugut Sivuliqti Denmark Iksivautariniaqtanganut Ukiuqtaqtumut Katimajinut (Mai 2025–mi - Mai 2027–mut). Piliriqatigarumattiaqtugut Nunaliit Aviktuqsimaquqtinginnik amma Piqataunginnarniaqtunik Ukiuqtaqtumut Katimajinik sanngaqtigiqullugu aulatauninga, amma ikajuqsurlugit aulaniqattiaqtut piliriaksait Inuit Ukiuqtaqtumut pilirianguvaktuni.

Piliriqatigiittut Ukiuqtaqtumi Katimajinut

PAPATTINIQ UKIUQTAQTUMI PIRUSSIANIK AMMA UUMAJURNILLU

ICC Kalaallit Nunaat maanna aulattijut ICC-kut ilauqatauninginni CAFF Piliriqatigiittunut. ICC Kanatami kiggaqtuijut ICC-kunni uumunga tukimuaqtittijuaqtigiittunut CAFF-kut Ukiuqtaqtumi Sijjaginni Uumajuit Ajjigiinngittut Qaujisaqtauninginnut Piliriaq pigiaqtitausimaju.

TAMAANI ARRAAGUMI PIMMARIALUIT QANUILIURUTAUSIMAJUT



ICC Kanatami ilaulauqtuq CAFF Angijuqqaangata Tiljausimajunut katimanirmut qimirrullutit amma pannaillutit sivuniksangani piliriqatigiingujut. ICC Kanatami ammalu ICC Kalaallit Nunaanni ilaularmijuuk CBMP Pilirianganut Sijjami Tukimuaktittijit katimaniqaqtillugit.



MAI 2024: CAFF nunaqaqqaasimajut inuusuttut katujjiqatigiingit saqqittilauqtut kingulliqaamik unikkaaliamik atuqtauninganut SIKU (Inuit Qaujimagatuqangit qarisaujakkut pilirijjuti amma qarisaujakkut tukisigiavik) ukiuqtaqtumi uumajuit ajjigiinnginninginnik qaujisainirmi. Iksivaalauqtugut Uqaujigiqatit Katujjiqatigiinginnut ammalu ikajuqtuilluta Inummik inuusuttumik iligjauninganut. Upigivavut Josh Komangapik ilagijauqataulaurninganut!



UKIUQ 2025: CBMP Kanatami kiinaujaqtaalauqtut kanataup gavamakkunni pigiaqtittijumallutik piliriaksamik ilinniaqtittiniaqtumik inunnik ilauqataujunik tukisigiavutiksanut aulattinirmik ammalu qinirlutik atuqtauninganik SIKU CBMP piliriangani Kanatami. ICC Kalaallit Nunaanni amma ICC Kanatami tamarmik piqataujuuk nutaami piliriangujumi.

SUNAUNIALIRIVA?

ICC Kanatami kajusiinnarniaqtuq ilauqatauniminik amma ikajuqtuimininik ICC Kalaallit Nunaat piliriarijaginnik uumunga CAFF amma niriuttut aviktuqsimajunik kiggaqtuijinik piqataugajaqtunik nutaamut CBMP pilirianganik Kanatami.

TUAVIRNAQTUNIK PITTAILITITTINIQ, PANNASSIMAJAARNIQ AMMA KIUJJUTIIT

ICC Kanatami angijuqqaarijauju ICC-kunnu tavvani EPPR Piliriqatigiittunut, piliriqatigaqtutik asinginnik Nunaqaqqaasimajunik Ilaugataunginnarniaqtunik sananiarlutik atuagarnik ammalu atuqtaujarialinnik tamatumunga nuqqangatittinasuarnirmik ammalu kiujjutiksanut tuavirnaqtunut Ukiuqtaqtumi.

TAMAANI ARRAAGUMI PIMMARIALUIT QANUILIURUTAUSIMAJUT



SITIMPIRI 2024: ICC-kut aulattijit katimajingita katimajinga Herb Nakimayak kiggaqtuilauqtut ICC-kunik EPPR Qaujimagittammariit Piliriqatigiittillugit katimanirmi Qinirniq Amma Paqsainiq Ammalu Tarraqtuinirmut, parnakpalliallutik EPPR katimaningani..



UTUPIRI 2024: ICC-kut Aulattijit Katimajinginnut Katimajiujuq Herb Nakimayak upaksimalauqtuq EPPR katimaniqaqtillugit, taikani unikkaalauqtuq ICC-kut parnautinginnik katimatittinirlutit pijjutiqaqtumik Inuit Qaujimagatuqanginnik Katujjinirmik ammalu Kajungiqsainirmut.



MAATSI 2025: Piliriqatigaqtutik Ukiuqtaqtumi Atapaskan Katimajinginnik ammalu Saami Katimajinginnik, ICC-kut aulattilauqtut nunaqaqqaasimajunik kajungiqsainirmut katimaniqaqtillugit EPPR Ukiuqtaqtumi tuavirnaqtulirinirmut aulattinirmik katimaningani nuavaimi, upattaullutik ilauqataunginnarniaqtut ammalu asingit EPPR kiggaqtuijingit.



Sunaunialiriva?

ICC Kanatami qanuiliurutiqarniaqtut isumagijaujunik uqausilauqtunik Inuit Qaujimagatuqanginnik Kajungiqsainirmut Katimanirmi katujjiqatigarlutik asinginnik ilagjaunginnarniaqtunik.

Piliriqatigiittut Ukiuqtaqtumi Katimajinut

SAPUJJAUSIMANINGIQ UKIUQTAQTUMI IMARMIUTAIT



ICC Alaaska aulattijuq ICC-kut kiggaqtuqtinginni ukununga PAME Piliriqatigiit. ICC Kanatami ikajuqtuijuq ICC-kut pilirialimaanginnik iksivaaqataullutik PAME Imamiut Sapujjausimaninginnut Qaujimajitanut Piliriqatigiikkut. Ilauqattarmijugut tilijausimajut angajuqqaangata katimaninginni qimirruniaqtutik piliriangujunnatuinnarialinni ammala atuliqtittilutik piliriaksanik.

TAMAANI ARRAAGUMI PIMMARIALUIT QANUILIURUTAUSIMAJUT



IIPURU 2024: ICC Kanatami iksivataurijaulauqtuq katimaningani Asinginni Atuutiqattiaqtuni Nunani-tungaviqaqtunik Sapujjisimanirmut Qanuiliurutiksanut ilinniasinnaa, CAFF/PAME-kunnut pigiaqtitausimajuq. ICC Kanatami Aulattijiit Katimajinginnut Ilagijaujuq Herb Nakimayak amma ICC Kanatami iqqanaiaqtinga unikkaalauqtuuk Inunnut-aulatauniquaqtumik qaujisaqtauninganut amma atuqtauningani Nunaqaqqaasimajut Qaujimajatuqanginni atuagalirinirmut amma aulattinirmut mitsaanut.



IIPURU 2024: ICC Kanatami katimajaqtulapuqtut PAME-kut 3-nganik Nunarjuarmi Katimaniqaqtillugit Uumajulirinirmut Qanuqtuurutiksanik Aulattiniqaqtut Ukiuqtaqtumi Angijunik Imarmiutanik Uumajunik. ICC-kut Aulattijiit Katimajinginnut Ilagijaujuq Herb Nakimayak nillialauqtuq, "Aulattiqatigiinni: kajungiqsaijjutaujunaqtuq Inuit Qaujimajatuqanginnik tusaumatittijutauniarlutit imarmiutanik aulattijiujut," ammala ilaularmijuq katimajiralaat uqaqatigaqtullugit iqqanaiaqtinginni Qikiqtani Inuit Katujjiqatigiit ammala DFO-kkunnut.



ICC Kanatami titiraqtigijaulauqtuq pijutiqaqtumik Nunaqaqqaasimajunut Sapummijausimajuq Amma Papattijaujut Inuijut uumunga unikkaamut pijutiqaqtuq Asinginni Atuutiqattiaqtut Nunamik-tungaviliit Papattijauninginnut qanuiliurutaujut.

Sunaunialiriva?

ICC Kanatami kajusiniaqtuq ilauqataunirmik amma ikajuqsuirmik ICC Alaaskaup piliriarjanginnik PAME mitsaanut. ICC Kanatami niriuttiaqtut saqqitauningani makpigavut asingit atuutiqattiaqtut sapummijauninginnut qanuiliuqtaujuutiksanut unikkaa.



Nunarjuarmi katimavijjuarniq 3 avatilirinirmut aulattijutiksangani Ukiuqtaqtumi anginiqsat imarmiutat katimaniqalauqtut 2024-mi. Amisukallanik saqqillutit, ilagijauulluni katimaniujumi unikkaaliaq, *Managing Arctic Marine Ecosystems - Ecosystem Approach Workshop Report*.

[UQALIMAARLUGU](#)
[KATIMAVIJJUARNIUK](#)
[UNIKKAANGA UVANI](#)

Nuavijjanmiuq Iksivautanga Ukiuqtaqtumut Katimajit piliriqatigaqtutik EPPR-kunni amma Nord Silattusarvijjuaq katimatittilauqtuq Ukiuqtaqtumi Tuavirnaqtulirinirmik Aulattinirmut Katimaniujumik Bodø, Norway-mi, Maatsi 2025-mi. ICC-kut katimatittilauqtut ulluunnik 2 Nunaqaqqaasimajut Qaujimajatuqanginni Kajunngiqsainirmut Katimanirmik ilauqataunginnarniaqtunik ilaqaqtutik, Gavamaqarviujunik, amma ilinniaqtinik.



Piliriqatigiittut Ukiuqtaqtumi Katimajinut

KAJUSIINNARUNNAQTUT PIVALLIATITTINIRMUT PILIRIQATIGIIKTUT



Sunaunialiriva?

Kajusiniaqtavut tautugarijavut pijjutiqaqtut isumalirinirmi amma imminiiqtailimanirmut pigiaqtitausimajut aturluta piliriani SDWG-kkutigut. Niriuttugut piliriqatigattiarnittinnik SDWG-kut Iksivautangannik Kalaallit Nunaanimiutaq ammalu kajusiniaqtugut nalunaijainirmik piviksanik angilligiatuqullugit Taimainginnarniaqtumik Ilaugataujuq SDWG-kut pilirianginnut.

ICC Kanatami kigaaqtuijuvuq ICC-kunnut ukununga SDWG Ukiuqtaqtumi Katimajiitmut. ICC-kut piliriqatigaqattaqtut katimaniujunik SDWG-kunnut ammalu Qaujimajitat Katujjiqatigiinnut, ammalu piluaqtumik piliriqatauqattaqtut aanniaqarnangittulirinirmut piliriangujunik.

TAMAANI ARRAAGUMI PIMMARIALUIT QANUILIURUTAUSIMAJUT



UPIRNGAAQ 2024: ICC Kanatami ilaulauqtut SDWG-kut kigaatuqtinginnut katimaniujumut qimirrullutit amma parnaillutik sivuniksanganut piliriqatigiit.



JULAI 2024: ICC Kanatami ilaulauqtut katimatillugit Ukiuqtaqtumi Inunnut Aanniaqarnangittulirinirmut Qaujimajitat Katujjiqatigiit Katimaninganut, tukimuaqtittillutit Nunalinni 2 Nunarjualimaami piliriangujumik imminiiqtailimatittinirmut ammalu isumakkut qanuinnngittiarnirmut Ukiuqtaqtumi inuusuttunginnut. ICC Kanatami pimmariumik piliriqatausimavut Nunalinni 2 Nunarjuarmi piliriangujuni taimanngani pigiaqsitaulauqsimammat piliriangujuq 2019-mi.



NUVIPIRI 2024: SDWG-kut Aulattijinik Katimatittilauqtut kinguniagut 1-ngani katimaniujuq arraagut 3 aniguqsimaliaqtut. ICC Kanatami tunisilauqtuq piliriarisimajanginni nutaannguriaqsimajunik, qimirrullutik piliriaksanik, ammalu uqausiqaqtutik nutaanik tuksirautinik ammalu isumagijaujunik titiraqsimajunik.

UKIUQTAQTUMI QAUJISARNIQ AMMA QAUJISARNIRMUT PILIRIAQ

ICC Kanatami sivuliqtiuvut ICC-kut pilirianginnik AMAP-mi Piliriqatigiinut Ukiuqtaqtumut Katimajinginnut. ICC-kut piliriqatigaqattaqtut asinginnik taimainginnarniaqtunik ilauqataujunik katujjiqatigiinik qaujimattiaqullugit Nunaqaqqaqsimajut Qaujimajatuqangit, pimmariumigijangit, amma pijumajangit takuksauttiaraluarmangaata tamainni AMAP-kut katimaninginni amma titiraqsimajuni. Ilaugataunginnaratta sururnaqtunik qaujisarnirmut, silaup

TAMAANI ARRAAGUMI PIMMARIALUIT QANUILIURUTAUSIMAJUT



JULAI 2024: Titiraqsimajuq saqqitausimajuq *International Journal of Circumpolar Health*-mut tunngaviqaqtumi ICC Kanatami sivuliqtiulluni makpigangani AMAP 2021 *Human Health Assessment*.



ICC Kanatami qimirruluqtut paippaanik nunalinni sururnaqtuqarviujunik AMAP-kut Sururnaqtunik qaujimajitanginnut, niriuttutik sivuniksami saqqitauniaqtunik amma atuliqujaujunik atuagaliuqtinut.



ICC-kut ilaulauqtut katimaniujuni Inuuqatigiinut Attuiniujut Silaup Asijjiqpallianinganut Ukiuqtaqtumi (SICCA) qaujisaqtauninga ammalu Inuit Qaujimajatuqanginnik qimirrujaujunik titiraqtiullutit.



ICC piliriqatigalauqtut Saami Katimajinik sivuliqtiuqullugit piliriqatigiiktunik katujjaujumu-saqqiqtaujuq qaujimaniujunik pijjutilik silaup asijjiqpallianinganik. Tamarmik ICC-kut allavvingit katujjiqatigalauqtut tamatuminga piliriamik.

ICC Kanatami sivukkaqtaijut ICC-kut ilauqatauninginnut tamatuminga Kasijutittiniq Ukiuqtaqtumi Qaujisaqtinut Timinga pigiaqtitausimajuq, nalunaiqsillutit inunnut-aulataujuq amma nunalinni tunngaviqarlutik qaujisarniit sivulliujaunginnaqullugu. Ilaugataunginnaratta SAON-kut Katimajinginnut Ammalu Aulattijiit Katimajiralaanginnut Katimatillugit, ammalu ICC Kanatami kiggaqtuijingat iksivaaqattaqtuq SAON ROADS-kunnut (Ukiuqtaqtumi Aqqutiksaq Qaujisarutininut Ammalu Titiqqalirijjutinut) Tariurmi Sikumik Qaujimajitanut Katimajinut. ICC Kanatami piliriqatigaqattarmijut nunarjuarmi piliriqatigiittunik aaqqiumatittinirmut amma nutaannguriaqtittinirmullu Nunalinni Tunngaviqaqtut Qaujisarniujuq Qarisaujakkut Nunannguanik, sanarrutillariujuq tukimuaqtittinirmut nunalinni-tunngaviqaqtut amma nunaqaqqaqsimajunut-aulataujuq qaujisarniit amma qaujisarutaujut.

SUNAUNIALIRIVA?

ICC Kanatami ilauniqsauqattarnialiaqtut Kajusiniqainnaqtut Sururnaqtut qaujimajitat pilirianginni nunalinni sururnaqtut nakinngaapammangaata. Niriuttiaqtugut aulattiqatauniarnitinni aanniaqarnangittulirinirmut piliriamik taassumunga SICCA qaujisaqtauninganut.

GAVAMALIRIJKKUT



UQALIMAARLUGU
NUTAAQ KANATAUP
SILATAANUT ATUAGAQ
UVANI

Piliriqataunginnaqtugut taakkunani Inuit-kuin kiggaqtuqtingit katujjiqatigiit katimajiralaanginnut ikajuqtuilluta Inuit Angirutingitta Timiqutinginnik sivumuaqpalliaqullugit Inuit sivulliujjauqujangit gavamatuqakkunni katujjiqatigaqtutik. ICPC saqqitaulauqsimaajuq 2017-ngutillugu asijijumallutik piliriqatigijjutaujunik inunnut ammalu gavamatuqakkunnut. Piliriaksanut parnautiit amma sivulliujjaujarialiit katujjaullutik aaqqisuqtauqattarmata inunnut amma gavamakkt pilirivinginnut angiqtauqullugit Inuit Sivuliqtinginnut, Kanataup Angijuqqaarjuanganut amma Ministait Katimajinginnut. ICC Kanatami kajusiinnaqtuq iksivautauqataurianga Nunarjuarmi Inuit Pijjutigijangit Sivulliujjaujarialiit Mitsaanut, tautugaqaluaqtutik nunarjuarmi umiarjualirinirmik ammalu atuliqtittinirmik Kanataup Ukiuqtaqtungani Silataanillu Atuagangani.

TAMAANI ARRAAGUMI PIMMARIALUIT QANUILIURUTAUSIMAJUT



TISIPIRI 2024: Pigiaqtitauninga Gavamatuqakkut Ukiuqtaqtumi Silataanut Atuaganga. ITOs tunisilauqtut sivulliujjauqujaujunik ammalu nilliuutigijanginni tamatumunga piliriniujumut ammalu ICC Kanatami ammalu ITK-kut aaqqisuilauqtut uqaqatigiinnirmik ammalu tukimuaktittijiullutik nalunairutinik Inuit piliriarjariaqaqtanginnik tamainnik Ukiuqtaqtumi atuagalirinirmut piliriangujunik.



Piliriqatigiit nunarjuarmi umiarjualirinirmut (katujjinikkut iksivautaqatigivattavut Kanatami ingirrajulirijikkut) angiqatigiillauqtut arraagunut amisunut piliriaksanut parnautimik, piqasiutillugu parnauti akikilligiaqtittinirmut aaqqiksimaniujuq qaujimmattiaqullugit Inuit akiliqsuiniangimmata akitujualummik avatimik kamattianirmik umiarjuakkut nuttiqtauvalliajunut ammalu nunalinni amma uqsualuqaqtittikkannirnirmik.



Saqqiiniq ammalu sivulliqaami katimaniqarniq 2-ngani katujjiqatigiit ataagut nunarjuarmi Inuit sivulliujjaujarialiit inigijangani, atuliqtittiniq Ukiuqtaqtumi Kanataup Silataanut Atuaganganik (iksivautarijauqatavugut Nunarjuarmi Pilirijirjuanut Kanatami).

SUNAUNIALIRIVA?

Pigiarumattiaqtugut umialirinirmut parnautitinnik, piliriqatigarluta ukuninga GAC saqqiinarluta Ukiuqtaqtumi Kiggaqtuqtiup ininga, uqausiqarluni nunarjuarmi kiggaqtuinirmik, ammalu sanaluni akunniqsuqumik piliriaksanut parnautimik asinginnut pimmaruijunut Ukiuqtaqtumi Kanataup Silataanut Atuagangani.

Inuit Sivuliqtingit, Kanataup
Angajuqqaarjuanga, ammalu ministait
katimajingit ICPC-kut katimatillugit,
Aatuva, Mai 2024-mi.



“

Piliriqatigiittiarniq sannginiqsakkut, piruqpalliattiaqtuq Ukiuqtaqtuq tatiqarmat sanaqatigariaksa inunnit, angirramiugaluqpat silataaniluunniit tariup akiani. Avviarutauvaktunik pijainiq Inuit kasuutisimaqattautijunnaqullugit killiaqtunik nunarjuarmi ammalu sanngattigiaqtittiluni pilirivuijunik, piqasiutillugit Ukiuqtaqtumut Katimajiit, uuktuutiuvut sivuniksattinnut qanuiliurniuniaqtut. Ukiuqtaqtumi Kanataup Silataanut Atuagaq ammalu atuagait ajjingit makimatittigialiit Inuit-namminiqsurunnarninginnik, piqasiutillugu atangijumik ammalu atuutiqattiaqtumik ilaunirijavut.”

—ICC KANATAMI ANGIJUQQAANGA LISA QILUQQI KOPERQUALUK,
NUNARJUARMI PILIRIAT KANATAMI PIVALLIAJUT SAQQIQTUJUT,
TISIPIRI 2024-MI



Katujjiniq Qaujimanittinnik ammalu Sapujjiniq Imaqutittinnik

Ukiuqtaqtuq saanngatillugu angillivalliajumik umiarjuakkut qanuiliurniujuunik ammalu nunarjuarmiunut pijumanirijaujuunik, Inuit sivuliqtiuvut pinasuarniujuunik imarmiutalirinirmut aulattinirmik ammalu qaujisarnirmik ippigusuttiaqtut uvagut pijunnautinginnik, takusautittilutik Qaujimanirijattinnik, ammalu sapummijaulutillu inuusirijavut. Katujjiqatigiinnikkut tunngaviqaqtugut Inuit sivulliujuqujanginnik ammalu imminik–aaqqissuijunnarnirmik, ICC Kanatamipiliriqattaqtut aaqqitsuillutik imarmiutalirinirmut atuagarnik, sivumuaqtittillutik inunut–aulataujuunik qaujisarniujuut ammalu sapummijauqullugit imaqutitta qanuinnngittiarningit. Piliriaqaqpattugut inunnut–aulataujuunik qaujisarniujuunik amma Inuit Qaujimajatuqangit piqasiujjausimaqullugit isumaliuratauJulimaanut quttiniqpaakkut nunarjuarmi atuagaliuqtillugit.



Qitiani Ukiuqtaqtuup Tariungani Ikalulirinirmut Angiqatigiiguti

“
Inuit attuallarimmata tariurmut, sikumut amma imarmullu nunagijatta qanigijaanillu, ammalu atangiijumik atuutiqattiaqtumillu ilaunivut aulattinirmut taakkununga attuanikaqtut imarnut pimmariummat atulitittinasuaqtiluta pijunnautittinnik. Pijaksaqammarippugut sulivuniksattinni...”

ICC Kanatami ilauqatauqattaqtuq CAOFA-mut Kanatami kiggaqtuijigijauulluni. ICC-kut allavvingit piliriqatigaqpatut amma aqquitiqaqtutik Kanatami kiggaqtuqtinginni nassaqaqtaqtut Inuit sivulliujuuqjanginni tadvunga anirutimut ilaliujuuqullugit. ICC-kut allavvingit katujjiqattaqtut sanngijumik, taimanginnaqtumik, ammalu atausuqatigiittumik Inuit ilauqullugit CAOFA-kunni ammalu attuajunik nunarjuarmi piliriangujunik.



— ICC IKSIVAUTAQ SARA OLSVIG, JUUNI 2024



SAQQIQTITAUJUQ UVANI UQALIMAARLUGU

ICC-kut katimajaqtusimalauqtut Qaujisarnirmut Tukimuaktittijit 3-nganut katimatillugit Hafnarfjörður, Icelandmi. Saumimit taliqipmut: Herb Nakimayak, ICC-kut Aulattijit Katimajinginnut Ilagijaujuq; Leandra De Sousa, Alaaska Uannangani Aviktuqsimajunik Nunaliit, Vernae Angnaboogok, ICC Alaaska; Samantha Wade, ICC Aalaaska; Aviaja Tindbæk Jørgensen, ICC Kalaallit Nunaat; Benjamin McTaggart, ICC Kanatami; ammalu Rodd Laing, Nunatsiavut Gavamanga.

TAMAANI ARRAAGUMI PIMMARIALUIT QANUILIURUTAUSIMAJUT



ICC Kanatami piliriqatigalauqtut ICC Alaaskami amma ICC KN-kunni ilauqatauqullugit tamainnik qarisaujukut amma takunnarnikkut katimaniujuni 4-nut piliriqatigiiktunut: Qinirniq Iqalugasuarnirmik, Nunanngualiurniq amma Qaujisarniq, Titiqqanik Aulattiniq, amma Qarisaujukut Tukisigiarvik Pivalliatitauninga..



JUUNI 2024: ICC qaujimagalauqtut Inuit Qaujimajatuqangit ilaliujuuqaluaruamangaata piliriangujunut ataani CAOFA-kunnut Katujjaulunni Piliriat Qaujisaqtulirinirmut Amma Qaujisarnirmut angiqtaulauqtuq COP 3-ngani. Sapujjisimanirmut amma aulattinirmullu qanuiliurutiksaq angiqtaulaurmijuq atulititauqullugu uqaqatigiigutauvalliatiillugu.



TISIPIRI 2024: ICC Kanatami amma Tariurmiutalirijikkut Ukiuqtaqtumi Kanatami katimatittilauqtut Inuit aulattiqatigiingninginnut uuktuutunik amma qaujimanijunik katujjillutit aulataulluni Angijuqqaap Tungilinganu Nunarjuarmi, Herb Nakimayak-mut. Una katimaniq katitittilauqtuq kiggaqtuijinik 4-nik Inuit aviktuqsimaninginniingaaqtunik, DFO-kkunni ammalu GAC-kkunni. Katimanirmik uqaqatigiittumariulauqtut tukunganik amma pijjutigijanganillu CAOFA-kut pijjutiqatutik Inunnut Kanatami.



MAATSI 2025: 3-nga Qaujisarnirmut Tukimuaktittijit Hafnarfjörður, Icelandmi. ICC-kut saqqitittilauqtut katujjaunikkut sanajausimajuq qaujisarnirmut piliriat Inuit nunangani ammaluttauq tunisilaurillutik uuktuutunik Inuit/gavamakkut imarmiutanik aulattijutunik ammalu qaujisarnirmut tunngaviksaujunik. Uqausiqalaurmijugut titiqqanik aulattinirmik CAOFA-kut iluani ammalu pimmariumninganik Inuit tukisigiarutiksangit namminiqaqarnirmut.

ICC-kut ikajurnirilauqtangit CAOFA-kut uqaqatigiigutinginnut uqautausimajut amisuaqtiqtutik ammalu saqqitausimajut unikkaaliavut uqausiusimajut amisuaqtikallak *Final Report of the 3rd Conference of the Parties to CAOFA!*

[UVANI UQALIMAARLUGU!](#)



SUNAUNIALIRIVA?

ICC-kut nassaniaqtut Inunnut-turaangajunik pijjutiksait COP4-mut Tromsø, Norway-mik ammalu 2025-2026-mut pilirianut pannautinik, piluaqtumik katimatittiniq Nunaqaqqaqsimajunut Qaujimajaujut tigumiaqtinut, Inuit titiqqaliarisimajangit namminiqaqarnirmut, amma qaujisarutiksait iqalulirinirmut pannautiit.

Nunarjuarmi Umiarjualirinirmut Katujjiqatigiit



ICC Kanatami aulattijuq ICC-kut pilirianginni tavvani Nunarjuarmi Katujjiqatigiit Nunarjuarmi Umiarjualirinirmut Katujjiqatigiikkunni. ICC-kut tunisijaulauqtut uqaujigiaqtiukainnanimik ilisarijaujutiqarnirmik IMO-mut 2021-mi ammalu uvagutuujugut nunaqaqqaasimajut Inuit Katujjiqatigiingit uqaujigiaqtiunirmut ilisarijaujutiqaqtuta. Pilirivattugut aktuinasuttuta sanajauningani amma saqqitittinirmut atugaksarijaujunik aulattijut umiarjualirinirmut amma tariukkut ingirraniujunit Ukiuqtaqtumi.

TAMAANI ARRAAGUMI PIMMARIALUIT QANUILIURUTAUSIMAJUT



Kajusiinnaqtugut katimaqatiqarnirmik Kanatami Ingirrajulirijikkunnit piliriqatigumallugit Kanatami atuliqtittinirmut maligarnik, tukimuagutiksani, ammalu atuqtauqujanik saqqitatusimajut ammalu angiqtausimajunik IMO-kunnut. Inuit akilijariaqangimmata akinginnik avatimut attanajjaisimajutunik umiarjuakkuuqtittinikkut. Inuit tatiqaqattarmata piqutunik tikititauvaktunik tariukkut ammalu tamanna ingirrajutiujuq attanajjaiqsimattiaqullugu attanaqunagu sivulliujujariaqatuq. Kanataup tusaqtittininga angirrarjaujuni uqumaittunik uqsualuqarunniiqtittinirmik pigiarutituinnaujuq, kisiani piqasiujjijaujariaqatuq akikilligiaqtiunirmut aqqiksimaniujumik tunngaviksami sanajauninganut Kanatami Ukiuqtaqtumi Pujurluit Aulatauninginnut Nunami.



SITIMPIRI 2024: IMO-kut Imarmiutalirinirmut Sapujjinirmut Katimajiralaangit, London, United Kingdom. ICC-kut iksivautangata Lisa Qiluqqi Koperqualuk katimaqataulauqtuq, nillialluni nuqqattittijumaninganut qirniqtait pujurluit silamuuqpalliajunik, niqiqattariaqarnirmut, ammalu imaup ataani nipiqluarninginnut Ukiuqtaqtumi imanginni.



JAANNUARI 2025: IMO-kut PPR katimajiralaangita katimaninga amma Ukiuqtaqtumi Katimaniq, London, United Kingdom. ICC-kut iksivautaungata tungilinga Lisa Qiluqqi Koperqualuk ilauqataulauqtuq tamakkiinnut katimaniujuunnuk, nillialluni qanuiliuqtaujaqallarlirningani Ukiuqtaqtumi usuraluqatuinnariaqarniq amma unikkaaqtunik katimatittijumaningani inunnik kimilligiaqtitaunasuarningani imaup iqqangani umiarjuanut nipiliurniuvattut.

“

Qirniqtait pujurluit uqquusivalliatittimmata silami ammalu sukkaliliqtittivalliammata auppallianingani aputiup amma sikuup. Auppalliajuq aputi sikulu saqqijaaqtittiliqattarmat taaqtunik nunamik imarmillu, siqinirmik uunarniqsamik tigusiliqtuni. Uqquusivallianinga nunarjuaq saqqitittivammata auppallianirmik. Taimaimmat qirniqtaq pujurluk uqquusivalliatittivuq amma uqquusivalliatittijummariullunilu Ukiuqtaqtumi... Ukiuqtaqtuq pimmariummat Inuit inuusinginnut. Qanutuinnaq asijjirniujut Ukiuqtaqtumi attuijummariuniarmata imarmiutait uumajunginni, attuiliqtuni inunnik.”

— ICC-KUT KANUILIGIAQTITTININGA IMO-KUNNUT, SITIPIRI 2024



ICC-kut pippata uqaujigiaqtiunirmut ilisarijaujutimik, sivulliujujauqujavut kajusiinnarniaqtut imaup ataani nipiqluaqtailittinirmut, uqsualunnut (GHG) pujurlunik, ammalu qirniqtat pujurlunik. Iluligijauluarniaqtuq tamatumunga pilirianguniaqtumut piliriqatiqarniq gavamaqarviujunit amma umiarjuaqatuijunit amma aulattijujunit qanuq piliriqatiqarunnarmangaata inunnit amma ilaliujjilutik Inuit qaujimaqtuqanginnit isumaliuqpalliajanginni amma ingirraniujunit pannagutinginni Ukiuqtaqtumi umiarjualirinirmut.

“ Inuit Qaujimajatuqangit
qaanganuuqtau jarialit qaujimajjutinut
turaanganiqaqtut piliriangujumut
Pikialasorsuarq-mut.”

ATULIJUAJUT 1-NGANI KATIMANIJJUMIK PILIRIQTIGIINUT,
SITIMPIRI 2024

UVANI UQALIMAARLUGIT
TITIRASIMAJUT

Pikialasorsuaq

Utupiri 2023-mi, Kanataup Gavamakkungit ammalu Kalaallit Nunaanni Gavamakkungit atiliulauqtut Pijumanirmu Titigqamik sivulliqpaami atuliquausimajumik Pikialasorsuaq Kamisanangata kingulliqpaqsiutinganik unikkaalianganik (2017). Katujjiqatigillugit ICC Kalaallit Nunaat, QIA ammalu DFO-kkut, Piliriaqaqtugut Pijumanirmut Titigqamik Ammalu Kamisinankut Unikkaanganik Sanaluta Katujjinikkut Aulattijiuniaqtunik Katimajiralaanik Pikialasorsuaq-mut.

TAMAANI ARRAAGUMI PIMMARIALUIT QANULIURUTAUSIMAJUT



SITIMPIRI 2024: 1-nga Katimaniujuq Pikialasorsuakkut Piliriqatigiingit Nuuk, Kalaallit Nunaanni. Katimatittilauqtut ICC KN-kut amma QIA-kkut, ICC Kanatami pimmariumik piliriaqalauqtut sivumuaktittillutik katimanirmik aqqissuillutit piliriaksaujunik QIA-kkullut ammalu DFO-kkunnut kajusiinnaqtukkut qaujisarnirmik ammalu Inuit pilirianginni Pikialasorsuaq-mi ammalu mitsaanut.



SITIMPIRI 2024: ICC ammalu QIA-kkut saqqitittilauqtut titiraqsimajunik 21-nik atuliquajujunik gavamanut nalunaqsisimaqullugit inunnut-aulataujunik, pijunnautinik-tunngaviqaqtunik aulataugumaninganut Pikialasorsuaq.

1-nga Katimaniujuq
Pikialasorsuakkut Piliriqatigiingit
Nuuk, Kalaallit Nunaanni, Sitimpiri
11-12, 2024-mi.



SUNAUNIALIRIVA?

ICC Kanatami kajusiinnarniaqtut katujjiqatigiinnirmik Qikiqtani Inuit katujjiqatigiikkunni amma ICC Kalaallit Nunaani allavvinginni piliriaqarnirmik atuliquajujunik Pikialasorsuaq Kamisankunnut.

Qanittaq Salumajumik Ukiuqtaqtumi Umiarjuarkuuqtittinirmut Pigiaqtitausimajuq



ICC Kanatami ammalu Memorial Silattusarvijuaq aulattilauqtut Qanittaq Salumajumik Ukiuqtaqtumi Umiarjuarkuuqtittinirmut Pigiaqtitausimajumik. Una pijumaniqammariktuq arraagunut 7-nut piliriangujuq pijjutiqaqtuq angilligarsimajummarimmik Ukiuqtaqtumi umiarjuakkuuqtittiniujuq ammalu tamatumunga turaangajunik avatimut aktuiniujut Inuit nunanginnik, imanginnik, ammalu nunalinginnik. \$91.6 milian pigiaqtitausimajuq kiinaujaqaqtittijuq Kanatami Sivulliqaami Qaujisarnirmut Piuniqpaanut Kiinaujat amma angilaangulluni qaujisarnirmut tunirrusiangusimajuq naliannutuinnaq timiujunut.

TAMAANI ARRAAGUMI PIMMARIALUIT QANUILIURUTAUSIMAJUT



MAI 2024: Qanittaq Aulattijingita Katimajingit sivulliqaami katimaniqaqtillugit, maligaksangit marruunnut aulattijinut tuttarvingik angiqtaulauqtut: Qanittaq Aulattijingita Katimajingit Ammalu Qanittaq Qaujisaqtiit Katimajiralaangit. Aulattijiit Katimajingit iksivautaqaqtut nalimugiittunik kiggaqtuijinik Inunnik ammalu Mimuariul Ilinniavimmarialuani iqqanaiaqatinik qaujimattiaqullugit Inuit sivulliujjauqujangit sivulliugaluardumangaata tamainnilimaaq Pigiaqtitausimajumi.



UKIAKSAAQ 2024 & UKIUQ 2025: ICC Kanatami amma piliriamut piliriqatingit isumaliurivallilauqtut piliriap pilirijauvallianingani pijjutiqaqtunik Inuit titiqqaqutinginni namminiqaarnirmut amma ilinniavimmarialummi titiqqaliuqpallianingit, ikajurutauniarlutit piliriqatigiittiarnirmik ilinniavimmarialummi amma ilinniavimmarialummiingaangittunik qaujisaqatinik.



UKIUQ 2025: Tukisiumaqattaunirmut Angiruti Inuit-Namminiqsurnirmut Qanittaq mitsaanut titiraqtaujuq. ICC Kanatami, ITK-kut ammalu ITO-kut pilirijusilirijjutinut iqqanaiaqatingit saqqittilauqtut aqqiksuijunaqtunik taassuminga tukisiumaqatigiinnirmut angirutimik Memorial Silattuqsarvigjuangani ukiaksaangani 2024. Una MOU sivulliqaangujuq maligatigut katujjiqatigiinniujut.

Piliriap turaagangit

Sanalutik qaujimajaujunik kiujjutauniaqtunik Inuit umiarjuakkuuqtittinirmut sivulliujjaujarialinnik, tukimuaqtittilutit attanajjaiqsimanirmik umiarjuunik aulattijunik Ukiuqtaqtumi, ammalu sapummijaulutik avatiujut.

Sanalutik pilirijjutiksaniit ammalu aqqigutiksaniit pijaujariaqaqtut plusivaallititauningita akituluangittunik, kajusiinnarunnaqtunik ammalu atuutiqaqtiaqtunik Ukiuqtaqtumi umiarjuat.

Tunisiluni nalunaiqsijjutimik attuqtauttiaqullugu Kanatami nunarjuarmi atuagarnik asijjiiniujuq umiarjuanut aulaniqaqtut Ukiuqtaqtumi.

Pivaalliqtitaulutik inuusiqattiarningit Inuit ammalu mikilligiaqtaulutit aviktuqsimajuni niqiksaqattianginniujut.



ICC Kanatami piliriqatiqarniaqtut Inuit angrutingitta timiqutinginnik ammalu Memorial Silattuqsarvigjuangani sivumuaqtittiqullugit aviktuqsimajuni sivulliujjaujarialiit ammalu sivumuaqtittiqullugit piliriaksanik tamainnik pigiaqtitausimajumik pilirianik ammalu qaujisainirmut taiguusinginnik.

Silaup Asijjipallianinga

“Ajjungittumi ippigijaujariaqaqtuq Ukiuqtaqtuq, uqquusivalliammat tisamairagtugu sukkanninga nunarjualimaaq saniani, ammalu qanuq naammaktumik asijjiniiq attuiniaqtuq nunaqaqqaasimajunik taisisimajut Ukiuqtaqtumik angirraqariaksa... Nunaqaqqaasimajut ajjiungittumik ilisarijaujjutiqarmata, ammalu tamarmik silaup asijjiqpallianinganut piliriangujut tunngaviqariaqaqtut sanngijumik inunnut pijunnautinginni piqasiutilugit nalunairsijjutiit pijunnautinginnik ukutiguuna Nunarjuarmi Katujjiqatigiit Nalunaiqsijjutingat Nunaqaqqaasimajut Pijunnautinginnut.”

- ICC-KUT QANUILINGANIRIJANGAT PAIPPAAQ,
UTUPIRI 2024



Gavamauqatigiit Katimajingit Silaup Asijjiqpallianinganut

ICC sivulliqpaangullutik Nunaqaqqaasimajut Katujjiqatigiinik takunnariaqtusimajunik ilisarijausimaniqaqtuq taakkununga gavamauqatigiit katimajingit silaup asijjiqpallianinganut. 7-gijangani qaujisarniujuq pigialauqtuq Julai 2023-mi, unikkaaliangusimajut aqqiktausimallutik 2027-mut ammalu 2029-mut. Taakkua IPCC-kut qaujisarnirmut unikkaangit quttiniqpaangujut qaujisarnirmut qaujisaqtusimajut silaup asijjiqpallianinga pijutigillugu, ammalu turaangallariktumik tusaqtittivattut atuagarnik ammalu isumaliurutausimajunillu UNFCCC-mut. ICC Kanatami kajusiniqaqtut attuiniqarnirmut amma ilauqataunirmut qaujisarnirijaujumut piliriangani Inuit qaujimajatuqangit, pijunnautingit, amma sivullipauqujangit ilaliujjausimagaluarmangaat taakkunani attuiniqaqtunit qaujisarnirmut piliriangujunik amma unikkaaliangusimajunit.

TAMAANI ARRAAGUMI PIMMARIALUIT QANUILIURUTAUSIMAJUT



JULAI 2024: 61-gijangani katimaniujuq IPCC-kunnut, Sofia, Bulgaria-mi. ICC-kut titiraqsimajunik qanuiliuqtauqjanik ammalu piliriqatigalauqtut pimmariumunik pinasuqataujunik pinasuarusilimaaq katimaujumik.



UTUPIRI 2024: Saqqitauninga ICC-kut qanuilinganirijanganut paippaaq IPCC-kut miksaanut. Una paippaaq tukimuarutaujuq, qanuiliuqujilluni, ammalu atausiulingajumik nipiqaqtittilluni Inuit ilauninginnut IPCC-kunni ammalu asijjiqtaujarahatunik.



VIIVVUARI 2025: 62-gijangani katimaniujuq IPCC-kunni, Hangzhou, China-mi. ICC-kut Katimajinga Herb Nakimayak aulattilauqtuq katimanirmik. IPCC-kut angilauqtuq ilinniarniumik katimasinnaa ilautittijumik ajjigiinngittunik qaujimaniumik, piqasiutillugu Nunaqaqqaasimajut Qaujimajatuqangit. Sanngijumik attuiniqarnirijangit ammalu attuiniujut ICC-kut ikajurnirilauqtanginnut titiqqanut, unikkaat nalunaijaqsimajut, ammalu ilinniarutiksanut tuksiraustiit ilisarijaulauqtut IPCC-kut iksivautangannut ammalu asinginnut katimajinut. Pimmariuumik qanuiliuqujattinni kamagijaqalauqtugut katimanirmik, piqasiutillugu akaunngiliurutaujuq katinnganinginnut nunaqaqqaasimajut ammalu 'nunaliujut'.



Ilauqataujut 61-gijangani
katimaniujuq IPCC-kunni,
katimaniulauqtuq, Julai 2024-mi
Sofia, Bulgaria-mi.

“ IPCC-kut ilisaqsijariaqaqtut nunaqaqqaasimajut ajjiungittumik ilisarijaujjutiqaarmata, ammalu tamarmik silaup asijjiqpallianinganut piliriangujut tunngaviqariaqaarmata sanngijumik kikkutuinnarnut pijunnautinginnik piqasiutillugit pijunnautiit nalunaiqtausimajut nUnarjuarmi Katujjiqatigiinginnut Nalunaiqsijjutingagut Pijjutiqaqtut Pijunnautinginni Nunaqaqqaasimajut. Kinguvariaqunagit, IPCC-kut asijjiijariaqaqtut isumagijaminik amma matuingattiarlutik amma naliannuarunnarniqarlutit Inuit qaujimajangit, pijunnautingit, amma pimmariumigijangit tukiqattiatukkut sanajaujarahatunata IPCC-kut unikkaalianginni, tunngavigijaummata kanatalimaami amma nunarjuarmi atuagaliurnirmut.”

— ICC-KUT QANUILINGANIRIJANGANUT PAIPPAAQ,
UTUPIRI 2024

UVANI UQALIMAARLUGU



ICC Kanatami tunisiniqaqtuq tukimuatittijjutinut ijurutiksanit IPCC-kunnut ukutiguuna Qaujisarnirmut Tukimuaktittijit Katimajiralaakkut aqqiksuiutit ilinniarniunaqtumik Katimasinnaa ilautittinirmik Ajjigiinngittunik Qaujimaniumik, ammaluttauq ajauqtirilutit kiggaqtuijiksaniq qaujimajitarijaunaqtut ilinniarniup iluani. Aqqiksuijumagatta akuniujumut saataksaunirmut aulaniujunik IPCC-kut piliriqatigarninginnut Nunaqaqqaasimajut Qaujimajatuqanginnik. Qiniinarniaqtugut piviksaujunik inunnut titiraqtuijunnaqullugit 7-gijangani Qaujisarniumi Unikkaaliangusimajuni.

Nunarjuarmi Katujjiqatigiit Aaqqiumaninganut Angirutinga Silaup Asijjiqpallianinganut



ICC-kut kajusiinnaqtut Inuit sivulliujjauqujanginnik UNFCCC-kunnut silaup asijjiqpallianinganut angirutiup aajiiqatigiigutinginnut. ICC Kanatami ilaulauqtut Tukimuaqtittinirmut LCIPP-kunnut, UNFCCC-kut aaqqiksimanirijangat uqaujjigiaqtiulluni gavamaqarviujunut amma nunarjuarmi katujjiqatigiinut pittiarraqarnirmut amma aajjiiktittinirmut piliriqatigarnirmik Nunaqaqqaasimajunik. Upagutlauqtugut aajiiqatigiinniujunut amisukallannut timiujut UNFCCC-kunnut ammaluttauq gavamalirinnirmut aajiiqatigiinniujunut 29-gijangani Katimaniqaqtillugit Taakkua Katujjiqatigiingujut.

TAMAANI ARRAAGUMI PIMMARIALUIT QANUILIURUT AUSIMAJUT



UTUPIRI 2024: Nunarjuarmi Tukimuaktittijit Katimajiralaangit Naammaktukkut Nuttiriniq Nunaqaqqaasimajut katimavijjuarninganni, Geneva, Switzerland-mi. ICC Kanatami ikajulauqtut aaqqisuqtauningani katujjinikkut, nunarjuarmi Nunaqaqqaasimajut Tunngavinginnik Ammalu Maliganginnik Naammaktukkut Nuktrinirmut, ikajuqtuijjutauniaqtunik Nunaqaqqaasimajut Katujjiqatigiit aajiiqatigiigutinginnik kajusiinnarunnaqtunik kiinaujaliurutiqarasuarnirmut nuktrinirmut ammalu asinginnut silaup asijjiqpallianinganut mikillivaalliqtittinasunnirmut qanuqtuurutiksannut..



NUVIPIRI 2024: COP29 Baku, Azerbaijan-mi. ICC-kut 15-nik kiggaqtuijinik nassalauqtut, ilagijauullutik Innatuqait, inuusuttut, ammalu qassikallait avikuqsimajuni kiggaqtuijiit Kanatamiinngaasimajut ammalu Kalaallit Nunaanniingaaqsimajut. ICC-kut kiggaqtuqtingit aulataulauqtut ICC-kut Iksivautanganut Sara Olsvig-mut. Kisianili qanutuinnaq quviananngikkaluaqtillugu aajiiqatigiigutaujut, ICC-kut iqqaitittilauqtut nunarjuarmiunik silaup asijjiqpallianinga attuiniqarmarimmat Inuit nunanginni sukanniqsamik saniani nunarjuarmiunik.



NUVIPIRI 2024: Saqqitauninga ICC-kunnut “Matujaujuq Iluliqanginnuijuq– Inuit Tuksiraqtut Gavamaqaqtunik Sukkaligiaqtuqullugu Silaup Asijjiqpallianinganut Angirutausimajuq UNFCCC COP29–kunni amma COP30” qanuilinganirijanganut paippaaq.



2024-2025-mi, ICC Kanatami sanalauqtut Inuit Silaup Asijjiqpallianinganut Ajauqtuinnirmut pilirijjusimik, aajjiigittunut tusaumalirijjuti, atuinnaujunnaqtunik, nalunaijijutitunnait UNFCCC-kunnut ammalu Inuit silaup asijjiqpallianinganut ajauqtuinnirmut. Una pilirijjusi atuqtaujunnaqtuq sivuniksami ICC-kut katimajinginnut, piluaqtumik inuusuttunut. Tarrijaaksami ilinniarutiksats tunngaviqalauqtut inunnik amma asinginnik Nunaqaqqaasimajunik katimajaqtuqsimajunut COP29-mi apiqsuqtauninginnut, iqqanaiaqtunik Inuit katujjiqatigiinginniingaaqsimajunik, amma Kanatami gavamakkunni angijuqqaqtunik.



ICC Kanatami nassalaaqtuq sanngijunik inunnik kiggaqtuqtingit COP30-mut Brazil-mi, attuiniqallarinniaqtunik aajiiqatigiigutauniaqtunut. Niriuttiattugut ICC-kut sivuliqtuniarninginnik Ukiuqtaqtumi kiggaqtuijiulutik LCIPP-kut (Juuni 2025-2027-mi). Kingulliqaami, niriuttiattugut saqqitauniarninganik uqalimaagaq, *30 Years of COP: Stories from Canadian Perspectives*, ilaqaqtuq makpigarmik ICC-kunnit, saqqitausimajuq Silattusarvijjuuq Aatuva.

PIMMARIUJUQ



ICC Kanatami tunisijaulauqtuq \$1.6 miliannik ukunanngat GAC-mi piliriqatigaqtuqullugit nunarjuarmi nunaqaqqaasimajut katujjiqatigiinginnik qallunaat nunanganni. Una ilagijanga Kanataup Gavamakkungita \$15 milian Nunaqaqqaasimajut Katujjiqatigiit Piliriqatigiittut Silaup Asijjiqpallianinganut pigiaqtitausimajumik, katujjaulluni sanajaulauqtuq ICC Kanatami-kunnut, Allait Katimajinginnut Ammalu Allangajut Kanatalimaami Katimajinginnut. Una pigiaqtitausimajuq ilisaqsijjutauijuq kajusittiarsimainnarninginnut nunaqaqqaasimajut silaup asijjiqpallianinganut sivuliqtuningit mitsaanut. Atuqtinniaqtavut tamanna piviksaq katujjiqatigiigutauniaqtunik nunarjuarmi silaup asijjiqpallianinganut aajiiqatigiigutaujunut inigijaujunik, sanaluta nutaanik parnautinik kamagijauninganut silaup asijjiqpallianinganut isumaaluutaujut Inuit Nunangani, ammalu takuksautittiluta sannginirijanganik Nunaqaqqaasimajut–Nunaqaqqaasimajunut sivuliqtuninginnik.



Uumajuliriniq Avatilirinirlu

Pilirivattugut tukiqattiaqtumik Inuit ilautitauninginnik sivumuaktittiniaqtunik Inuit sivulliqpauqunginni nunarjuarmi uumajulirinirmut avatilirinirmullu katimavinginni ammalu Ukiuqtaqtumi qaujisarnirmut pigiaqtitausimajunik. Ajauqtuivattugut ilaliujjaujariaqarninginnut Inuit qaujimajatuqangit ammalu qaujimanirijaujut tigumiaqtinut amma tamainnik Ukiuqtaqtumi uumajunik avatilirinirmullu qaujisarniujunik. Ajauqtuilluta Inuit sivuliqtiuninginnik uumajulirinirmut avatilirinirmullu, attuiniqaqattaqtugut qanuq inullariungittut qaujisaqtiit, ilinniaqtulirijiit, ammalu qaujisarviit piliriqatiqaqattarmangaata inulimaanik.

Angiruti Uumajuit Ajjigiinginniqaqtunut

ICC Kanatami katimajaqtuqattaqtuq CBD-kut katimaninginnut kiggaqtuillutit ICC-kunni takunnaqtiullutik ammaluttauq tilijausimallutik gavamaqarviujunut ilagijaujunut ajurnangigaimmat. Takunnaqtiullutik, ICC-kut ilauqattaqtut tukimuaktittijiullutillu nUnarjuarmi Nunaqaqqaasirmajut Katimaninginni Pijjutiqaqtutik Uumajuit Ajjigiingittut Miksaanut, taakkua katujjiqatigiingullutik ilaqaqtuq asinginnik takunnaqtiunik nunaqaqqaasimajut katujjiqatigiinnik, ammaluttauq nunalinni kiggaqtuijinik, nunarjualimaamiingaaqsimajunik.

TAMAANI ARRAAGUMI PIMMARIALUIT QANUILIURUTAUSIMAJUT



MAI 2024: 4-ngani ilagijanga timiujut atuliqtittinirmut ammalu 26-gijangat ilagijanga Timiujut Qaujisarnirmut, Pilirijjusinut Ammalu Pilirijjusinut Uqaujigiatinut katimaningit, Nairobi, Kenya-mi. ICC Kanatami iqqanaiaqtingit katimaqataulauqtut tamakkiinnik katimaniujunik kiggaqtuillutik ICC-kunni, aajiiqatigiigutaujut pijjutiqalauqtut pivalliatitauningani CBD-kut aaqiksimaninga. Pimmariuummat qaujisarniup aaqiksimaninga qaujisaqpattut atuliqtitauninganik ammalu kjusittiarninganillu CBD-kut. Pimmariurmijut aajiiqatigiigutaulauqtut attuaniqaqtut Article 8(j)-mut ammalu nutaaq piliriat piliriangujuq, piqasiutillugu uqausirnut tukiliurijjutiit.



AAGGIISI 2024: Nunarjuarmi Katimaniujuq Piqqusituqakkut Qaujimanijut Mitsaanut Attuaniqaqtut Uumajuit Ajjigiinginniqaqtut, Bogota, Columbia-mi. ICC Kanatami ammalu ICC KN-kut upagutilauqtut kiggaqtuillutit ICC-kunni. Turaagarijaulauqtuq katimaniujumik Nunaqaqqaasimajut tauqsiiqattautiqullugit qaujimajaminik ammalu atuqsimajaminik, ujjirusulitittiqullugit, ammalu titiraqullugit atuliqujaujunik CBD-kut aaqiksimaninginnut ammalu Article 8(j)-mut.



UTUPIRI 2024: COP16, Cali, Colombia-mi. ICC Kanatami ilaulauqtut tavvani katimaniujumi pijjutigillugu pimmarijumi attanajjaisimanirmut isumaaluutiujut kalampiami. Ilaunirilaqtavut atuinnaqaqtittilauqtuq katimajiralaat uqatigiinnginnik, ammalu aajiiqatigiinniujunik ammalu parnagutaujunik pivalliatittinirmik taikaniittunik. Nutaaq Piliriatuq ammalu 3-nga ilagijaujuq Timiujut Article 8(j)-mut. Angiqtaulauqtut, taakkua angijumariullutik kjusittiarniujut arraagugasannut ajauqtuilauqtillugit nunaqaqqaasimajut katujjiqatigiinginnut, piqasiutillugu ICC.



ICC Kanatami ilauqatauniaqtuq 1-ngani timiqutigijaujuq Article 8(j)-mut katimaninganut Utupiri 2025-mi. Piliriatiqarumajummariuvugut Nunarjuarmi Nunaqaqqaasimajut Katimaningani Umaajuit Ajjingingiittut Mitsanut sivumuaqtiqullugit amma aqqittauqulugit akaungiliurutauijut Nunaqaqqaasimajunut amma 'nunalinnut'.

ICC Kanatami aulattijuijuq ICC-kut ilauqatauninganut IUCN, anginiqpaangujuq nunarjuarmi sapujjiniq atuagalirinirmut katujjiqatigiingujuq nunarjuarmi. Upirngaangani 2024, ICC-kut uqausiqalauqtut sivullipaamik titiraqtauningani Maligarnik Qaujisainirmut Aannianik, Qanimanaqtunik, Ammalu Tuqunnaqtunik Uumajunik Isumaqsuqtunik Mitsaanut. Taakkua tukimuarutiit katujjaullutik pigiaqtitausimajut IUCN-kunnut Uumajuit Qanuinngittiaqullugit Piliriat Ammalu Nunarjuarmi Uumajuit Qanuinngittiaqullugit Katujjiqatigiinginnut. Una unikkaaq tunisijut tukimuagutiksaniq uumajuit qaujisaqtauninginnut aannianut, qanimanaqtunik ammalu tuqunnaqtunik, ammalu atuagarnik atuliqtittinirmik iluliquattiaqtunik qaujisarnirmut pilirianik. Saqqitauningit iluikkait tukimuagutiksait pijariirvissaqaqtut upirngaangani/aujangani 2025.

“Pijunnautiaqtiulluta Ukiuqtaqtumi nunaqaqtuta, qaujimanirijavut iluliquattiaqtuq tawanngaasimaniut-uinnaungittut ikajuutiksaniq nunamut, kisanili iluikkangajumik amma qanigiinniqaqtumik attuaniqarniq ammalu piliriatiqarniq Ukiuqtaqtumi angirrariniraqtatinni.”

- ICC AULATTIJIIT KATIMAJIIT
HERB NAKIMAYAK, JUUNI 2024

Katimaniq Nunarjuarmi Tauqsiiqattautinirmut Nunguliqtunut Uumajuit amma Piruqsiat

ICC Kanatami aulattijuijuq CITES-mut kiggaqtuillutik ICC-kunni. ICC-kut takunnaqtuijuq CITES-kunni niruarunnarniqarnatik; ajauqtuivattugut inunnik kanatalimaami gavamakkut kiggaqtuqtingitigut. Ammaluttauq, Piliriqataummijugut Piliriqatigiittunut Ilautittinirmik Nunaqaqqaqsimajunik ammalu Nunalinnik tavvani Cites-kut Piliriavalliajanginni, tukimuagutiksanik tunisivattut ilagijaujunut katimanirmik.

TAMAANI ARRAAGUMI PIMMARIALUIT QANUILIURUTAUSIMAJUT



JULAI 2024: 3-ngani Uumajulirinirmut Katimajiralaat katimaningani, Geneva, Switzerland-mi. ICC Kanatami kiggaqtuillutik ICC-kunni qaujisaqpattut CITES-kut uqausirijanginni pijjutiqaqtunik nunarjuarmi tauqsiiqattarniq uumajurnik tamakkuninga uqaqatigiinniujunik ilaliujjauqattaqsimajut Ukiuqtaqtumi uumajut suurlu nanuit, aiviit, ammalu tuugaaliit amisuaqtikallattutik arraaguni aniguqsimaliqtunik. Maannaujuq ilagijaujut gavamaujunik uqaqsimangittut niliaqatiqarumaninginni Ukiuqtaqtumi qanuittutuinnarnik uumajuqtinginni.



UKIAKSAAQ 2024: Kiggaqtuillutik ICC-kunni, ICC Kanatami tunisilauqtut uqausiksaminik Piliriqatigiiktunut, nalunaijaqsimajunik katinngatitauqunagit Nunaqaqqaqsimajut ammalu 'nunalinni nunaliit' CITES-kunni. Ukua piliriqatigiittut titiqqaqutingit tunijauniaqtut CITES-kunnut kingullirmi katimalirmippata COP-kut Nuviipiri 2025-mi.

SUNAUNIALIRIVA?

ICC Kanatami qaujisainnarniaqtut CITES-kut Uumajulirinirmut Katimajiralaanginni. Niriuppugut IUCN nunarjuarmi katimavijjuarniulaaqtumi Abu Dhabi, United Arab Emirates-mi in Utupiri 2025-mi.

Asingit Inuit Qaujisaqsimajangit

TAMAANI ARRAAGUMI PIMMARIALUIT QANUILIURUTAUSIMAJUT



JUUNI 2024: Ukiuqtaqtumi PASSION Katimavirjuarniq, Inari, Finland-mi. ICC Kanatami ilaulauqtut katimaniujuni tunisigumallutit nutaannguriaqsimajunik piliriaksanut katiqsuqtausimajunik amma pijittirautinillu, piqasiutillugit tusaqtittijuti 6-nik nutaanik qanuiliurutauniaqtunik titiqqanik katujjaullutit sanajaulauqtut Snowchange-kunnut ammalu 6-nut ajjigiinngittunut Ukiuqtaqtumi Nunaqaqqaqsimajut Nunalinginnut.



UKIAKSAAQ 2024-VIVVUARI 2025: ICC Kanatami, ilagijauulluni Lenfest Imavimmi Piliriaq kiinaujaqaqtitaulluni piliriaq "Inuit Qaujimaqsimajangit najugarnut pilirijjusiit ujjunik (ujjuq) sijjangani Alaaskaup imanginni," apiqsulauqtut nunaqaqqaqsimajunut qaujimaqsimajunik angunasuktnik Utqiagvik, Alaaskami. Ukua apiqsurniujut turaangaqalualauqtut katujjinikkut sananiarlutit najuqtauvaktunik pilirijjusinik aturlutit Inuit Qaujimaqsimajangit tukisigiarutiksatuulutit tukimuagutauniarlutit aulatauningata isumaliurutauvalliajut ujjuit mitsaanut.



JAANUARI 2025: ICC Kanatami ammalu ICC Kalaallit Nunaanni iqqanaiaqtingit ilaulilauqtut ICC Alaaska Aankurijmi Nunaqaqqaqsimajut Qaujimaqsimajangit turaagaqaqtitaullutik piliriqatigiinniujumut. Katimaqataujut tusaqtittilauqtut nutaannguriaqsimajunik atuutiqaqtunik aviktuqsimajuni piliriangujunik, piqasiutillugu nainaaqsimajunik pivalliatitauqsimajut Kanataup inunginnut titiqqanut aulattijutiksait atuagarnut.



MAATSI 2025: Ukiuqtaqtumi Qaujisarnirmut Katimavijjuarniq Pinasuarusinga ammalu Nunarjuarmi Katimavijjuarniq Ukiuqtaqtumi Qaujisarnirmut Parnainiq – IV Boulder, Colorado-mi. ICC Kanatami iqqanaiaqtingit unikkaalauqtut qarisaajakut ammalu takunnaqtutik "nunaqaqqaqsimajut qaujimaqsimajanginni sikumiutait nattiit ammalu silaup asijjiqpallianinganut" ammalu "sivulliujjiniq Nunaqaqqaqsimajut Titiqqaqutinginni Namminiarnirmut Ammalu Inuusirmut Ikajuutiksanik Angijunik Nunarjuarmi Avatilirinirmut Qaujisainiujunik."

Mai 2024-ngutillugu EU-mik qimirruijuq nattinik nuqqangatittinirmut maliganginnik 1983-minit ammaluttauq maannalisauniqpaaq iluliquuniqpangullunilu nuqqangatittijuti tikittittailimanirmut sunatuinnarnik nattiimiingaaqsimajunik 2009-mi, atulititaulauqtut 2015-mi. ICC Kanatami amma ICC KN-kut tamatuminga atulauqtut titiraqtutik uqausirijaminik tariup akiani qatujjiqatigiikkunnut nilliallutit attuinirijanganik nuqqangatittiniujut inunnut. Maligaqaqtitaugaluqtiillugu Nunaqaqqaqsimajut Piqasiujjausimanginningit nattiqtailimanirmut maligarni attuqtauniqpangujut nunalinnu taavvanngat 2009/2015-mi EU nattiqtailimatittiningani Inuit nunalinginni Kanatami ammalu Kalaallit Nunaanni. ICC-kut uqalauqtut "Nunaqaqqaqsimajut Piqasiujjausimanginningit" takuksautittisimammata pijariatuluarninginnik, atuutiqannginninginnik, ammalu mikillivaalliqtittisimanginninginnut piunngittunik aktuiniujunik nuqqaqtitauqsimanginni Inuit tauqsiiqattautiningit nattinik EU-mik. 2025-2026-mi, ICC-kut niriuttut uqaqatigiarumanirmik EU-kkuni piiqtaquullugit killigititaujut inunnut.

Sururnaqtut

ICC Kanatami kajusiinnaqtuq ICC–kut sivukkataqtiullutit kiggaqtuijinut tamainnut sururnaqtunut–turaanganiaq piliriat. Inuit attuqtausimallarimmata turaanganikkut amma turaangallaringitukkut ungasiktumut tikititauvaktunut sururnaqtut. ICC Kanatami mikiligiaqtittinasuaqtut sururnaqtunik ajjigiitittijukkut ammalu nalimugiiktukkut inunnik ilautittunirmik ammalu kiujaulutik Inuit pijariaqaqtangit, atuqtaulutik ammalu ikpigijauttiarlutik Nunaqaqqaaqmsimajut Qaujimajatuqangit, ammalu ikpigijauttiarlutik Inuit pijunnautingit.

TAMAANI ARRAAGUMI PIMMARIALUIT QANUILIURUTAUSIMAJUT



IIPURU 2024: INC-4, Aatuva, Kanata. ICC Iksivautangata Tungilinga Lisa Qiluqqi Koperqualuk aulattilauqtuq sanngijumik ICC–kut kiggaqtuijingit ukunanngat Gerald Inglangasuk (FJMC, Inuvialuit Nunangat) ammalu Liz Pijogge (Nunatsiavut Gavamanga). Taakkua kiggaqtuqtiujut ilaulauqtut maruunni katimajiralaanik quttiktumiittunik katujjiqatigiinniujunik, katimaqatigalauqtut quttiktumiittunik Kanatami maligalirijinginni, aaqkisuillutik maruunni qanuiliurniujunik, ilauqataullutik “Auttajuunik Qanuiliurutiksaniq” qanuiliurniujut Kanataup Gavamakkungit katimatitillutit, nuqqaqtittinasualauqtut, uqausiqatutillu nuqqaqtittinasuarnirmut katimaniqaqtillugit.



SITIMPIRI 2024: 20-gijangani katimaniq POPs Qimirrujiit Katimajilaangit, ICC Kanatami kajusittialauqtuq ajauqtuinnirmik Kanataup Gavamakkunginnik niruaqjillutit perfluorinated sururnaqtutnik ilajauqullugit Stockholm Angirutiup ilagiarutinginnut. Qaujisarutausimajuq Nunavimmi nanisisimammat ilanginnut perfluorinated sururnaqtutnik tikittugu 7-ngiqsuqtuni quttiniqsaujut inunni takunnaqtugit Kanatamiut inugianningit. Lucy Grey Atanniuvimmiutaq avittuqsimajuni piliriqatigillualauqtavut tamatuminga piliriaqaqtilluta ammalu kigaaqtuilluni tavvani katimanirmi.



NUVIPIRI/TISIPIRI 2024: INC-5 katimaninga Busan, South Korea-mi. ICC–kut Iksivautangata Tungilinga Lisa Qiluqqi Koperqualuk aulattilauqtuq ICC–kut kiggaqtunirijanganut. Uqausiqalauqtugut nuqqaqtittinasuarnirmik tuksiraqtumik nunaqaqqaaqsimajut ilauniqsauqullugit aajiiqatigiigutaujuni ammalu ilaliujjauqullugu uqausiq nalunaiqsismattiaqtuq pijunnautinginnik Nunaqaqqaaqsimajut.

NAMI ICC–KUT ILAUQATAUVAT SURURNAQTUNIK QAUJISARNIRMIK AMMA ATUAGALIURNIRMIILLU:

KANATAMI:	Ukiuqtaqtumi Sururnaqtunut Piliriat: ICC Kanatami ilagijaujuq Aulattijinut Katimajiralaanut, pilirijusut qimirrujinut, aaqqissuqtauningit katimajiralaat qanuiliurutausimajunut Katimanirmut Ilinniasinnaa, asingillu.
UKIUQTAQTUQ:	‘AMAP (Ukiuqtaqtumut Katimajit), amisukallait qaujimajitat piliriqatigiittut amma AMAP–attuanikaqtut qanuiliurutausimajunut (uuktuutigilugu SAON).
NUNARJUALIMAAMIK:	Stockholm Katimavijjuarniq POPs, qimirunirmut katimajiralaangit POPRC-mut. Minamata Katimavijjuarniq Savirajanik, piqasiutilugit katinngauqtut piliriqatigiit atuutiqaattiarninginni qaujisarutaujunik katujjiqatigiinut. INC–kut katimaningit nunarjuarmi katujjiqatigiinut pijjutiqaqtut auttajuut sururnaqtunik.



ICC Kanatami kajusittiniaqtut piliriqatigarnirmik ITO-kkunut Inuit sivulliuqtaqtut sururnaqtunik piqasiujjausimaqullugit quttiniqaakkut Kanatami nunarjuamilu piliriangujunik. Sivuliqtugumattiaqtugut aulattiluta sanngijumik ICC–kut katimaqatauningani Aaggiisi 2025-mi kingulliqaami aajiiqatigiinniuniaqtuq nunarjuarmi angiruti pijjutiqaqtuq auttaJuunik sururnaqtunik, ammalu niriuktugut kingulliqaamik angiruti titiraqtauniarianga 2025 nunnguani.

“

Qimirrugiasilauqsimagatta auttaJuunik 2015-mi qaujilauqtutalu qilalugalimaapaluit qaujisaqsimajavut auttajuuqalirmata.”

— GERALD INGLANGASUK, FJMC, SUMMAT AUTTAJUUT SURURNAQTUT UKIUQTAQTUMI ISUMAALUUTAULIQPALLIATUINNAQPA

NAALALLUGU
TUSAGAKSALIANGUSIMAJUQ
UVANI

“Ukiuqtaqtuq angimummarialummik attuqtausimallarimmat amisunut aksururnaqtunut: silaup asijjiqpallianinganut, sururnaqtunut, amisuruqpallianinginnut sanaviujunut pivalliatittinirmut, ammalu niriugijauulluni auttajuut sururnaqtut tamaunngaqtitauqattar-niaqtugijauullutit, kamagijauttiarunnangilluni naammaktukkut. Ukiuqtaqtumi uumajuqativut uugarnik timmianut qilalugarluni nanijausimammata angijualunnik auttajuuqariangit naanginni ammalu piugunniipalliatuinnariaq-aqtuni, piunngittukkut attuiniqarluni niqutitigijattinni ammalu pijunnautittinnik salumajumik, qanuinnigittiaqtumik, kajusiinnarunnaqtumik avatimik.”

- ICC–KUT QANUILIGIARNINGA INC-5–KUNNI, TISIPIRI 2024–MI



Inuqutivut amma Iliqqusivut

Iliqqusivut piruqpalliammat inuqutivut qanuinngitillugit isumamigut timimigullu. Aanniaqarnangittuliriniq inunnut amma qanuingittiaqujiniq tunngavigijaummata ICC Kanatami pilirianginnut, tusaumatittillutik iluunnanginnik iniqtirijjutinik ammalu pigiaqtitausimajunik. Piliriavut inulimaanut pijunnaqtitauvuq uqausittinnut, sanaugattinnut, mumirnittinnut, sanaugarnut, nuviqsainirnut, nijjausijarnirmullu - sannginirijauvuq katujjinitinnut Inuit iliqqusinginni pijunnaqtittimmat ICC Kanatami kajusittiarunnarninginnut nunarjualimaami piliriarijanginnit.

Mackenzie Allait Qilaujjaqtingit amma
Mumiqtigut pinnguaqtut 3-ngani ICC-kut
Katimavijjuarningani Iqaluni, Julai 1983-mi.



Aanniaqarnangittuliriniq

Inuit aanniaqtuliriniqmut atuagangit, qaujisarniq, ammalu ajauqtuiniq sivulliujaunginnarmat ICC-kunnut. ICC Kanatami ilauqattaqtut Kanatami aanniaqarnangittuliriniqmut katimajiralaangit, suurlu Kanatami Inuit katimajiralaangit aanniaqarnangittuliriniqmut, tukisigumallutit amma sivumuaqtittigumallutit sivulliqpauqujanginni ITO-nut nunarjuarmi katimaniujunik ammalu utiqittitit atuutiqaqtunik nunarjuarmi aanniaqarnangittuliriniqmut piliriangujunik. ICC Kanatami qujannamiirumavut Minnie Grey-mik ammalu Jesse Mike-mi ilagijauqatausimajuuk ICC-kut Nunarjuarmi Inuit Aanniaqtuliriniqmut Aulattijit Katimajiralaanginnut Kanatami. Ikajurnirilaqtangit ikajuqtuisimammata aaqqisuqtauningani ICC-kut katimajiralaanginnut tukimuagutiksanginni amma attuinirijanginnik aanniaqarnangittuliriniqmut qanuinnngittiarnimmullu titiqqaqutinginnik.

TAMAANI ARRAAGUMI PIMMARIALUIT QANUILIURUTAUSIMAJUT



UPIRNGAAQ 2024: ICC Kanatami pijariiqsilauqtut unikkaaliaminik katusiniqattiaqtuni nunarjuarmi Inuit Inuusilirijingitta Katimanirilaqtanganik, Maatsi 2024-mi. Unikkaaliaq nainaaqsilauqtuq isumagijauniqsanik, uqaqatigiigutaulutit, amma atuliqujillutillu, ammaluttauq nalunaijaillutit qanuq kamagijaqalaurmangaatta katimaniujumik.



MAI 2024: Alaaskami Imminiiqtailimanirmut Katimaniq, Anchorage, Alaaska-mi. ICC-kut ammalu CIHSC ilagijaujut Jesse Mike (NTI) ammalu Mary David (Alaaska, Kawerak Timinga) unikkaalauqtuuk, “Nunnik Imminiiqtailimatittiniq Inuit Nunangani” mitsaanut.



NUVIPIRI 2024: 18 -gijangani Nunarjuarmi Katimavijjuarniq Nunarjuarmi Aanniaqarnangittuliriniqmut Health, Halifax, Kanatami. Ilagijaujut CIHSC-kkunut taassumunga aanniaqarnangittuliriniqmut katimavijjuarniujumut tusaqtittigiatuqtutik Inuit aanniaqarnangittuliriniqmut assururutigijanginnik taakkununga Nunaqaqqaqsimajunut ammalu Nunaqaqqaqsimangittunut naalattunut.



NUVIPIRI 2024: Nunarjuarmi Inuit Aanniaqarnangittuliriniqmut Tukimuaktittijit Katimajiralaangit nammini qatimaniqaqtillugit, Halifax, Kanatami. ICC Kanatami ikajuqtuilauqtut katimaniqani CIHSC katimajinginni, tusaqtittilauqtut aanniattailimanirmut amma qanuinnngittiarnimmullu katusittiarniujunik ammalu aksururutaunuk Inuit Nunaani.



MAATSI 2025: Ukiuqtaqtumi Qaujisarnirmut Katimavijjuarninga Pinasuarusiq Ammalu Nunarjuarmi Katimavijjuarniq Ukiuqtaqtumi Qaujisarnirmut Parnainirmut-IV, Boulder, Colorado-mi. ICC Kanatami takusautittilauqtut qarisaujakkut, “Pimmariuningani atangijuuq tautunniq ammalu aanniaqarnangittuliriniq inunnut – nunamut pijunnautit, iliqqusiq, niqilirijusiujut, ammalu qanuinnngittiarniq.”

Circu Ukiuqtaqtumi Inuit Aanniaqarnangittuliriniqmut Aulattijit katimajiralaangit 18- Giliqtanganni Nunarjuarmi Katimavijjuarniqalauqtut Ukiuqtaqtumi Aanniaqarnangittuliriniqmut Halifax-mi, Kanatami. Saumimmit taliqpimmut: Gert Mulvad, CIHSC-kunnut ilagijaujuq, Kalaallit Nunaanni; Arnârak Patricia Bloch, CIHSC-kut iksivautaq, Kalaallit Nunaanni; Melynda Ehloak, ICC Kanatami; Jesse Mike, CIHSC-kunnut ilagijaujuq, Kanata; ammalu Mary David, CIHSC-kunnut ilagijaujuq, Alaaska.



ICC Kanatami katusiniaqtut tautugaqarnirmut Inuit isumaliriniqmut qanuujutaujunik amma qanuinnngittiarnimmullu, amisukallannit piliriassanit pivalliatitauvalliajunut. ICC Kanatami kasumaqatiqakkannirniqtut inunnik inuusilirijinik ilaulauqtunik 2024-mi katinnirilaqtatinnik “Qarisaujakkut Tiiturniq” inunnut inuusilirijinutamma ilinniaqtinut taikani katusittitullutit kasuumanirmik, piliriqatigiinnirmik ammalu qaujimajaujut nuutauqullugit ikajuqsuillutik pivalliatitauninganut inunnut inuusilirijinut atuagaq.

Inuusuttunik Ilautittiniq



ICC Kanatami ikajuqpattuq sanajauningani pivalliatitaujuq inunnik sivuliqtissannit ilagijautittugit Inuit inuusuttut uvagut piliriarivattanginni nunarjualimaami, nassapattutigu inuusuttut pimmariujunik qanuiliurniujunu amma katimaniujunut. Ikajuqtuivammigut Inuit inuusuttut ilautitauninginnut piliriamik aulataujuq ICC-kut iksivautanganu, ilaqaqtuta amisukallannit ICC Kanatami sivuliqtinginni amma iqqanaijaqtinni qaujimajitarijaullutik inuusuttunut ilauqataujunut nakituinnaaqsimajunik Inuit nunangani. IYEP atuinnautittijuq takunnaqattautilutit ammalu qarisaujakkut ilisainirmik ammalu ilautittinirmik piviksaujunik Inuit inuusuttunginnut ilipvaalliqlugit qanuq tukiqarmangaaq ajauqtuiniq ammalu sivumuaqtittiniq Inuit pijunnautinginnik ammalu pijumajanginnik nunarjualimaami.

TAMAANI ARRAAGUMI PIMMARIALUIT QANUILIURUTAUSIMAJUT



UTUPIRI 2024: Inuusuttut Ukiuqtaqtumi Atuagalirinirmut Hakatan Ukiuqtaqtumiinniqaat Katimavijjuarningani, Reykjavík, Iceland-mi. 16 Ukiuqtaqtumiutat inuusuttut, ilagijauulluni ICC Kanatami iqqanaijaqtinga, aaqqisuilauqtut qanuiliurutaunnaqtunik atuagarnut atuliquajaujunik tukimuaqtittinirmik kajusiinnarunnaqullugu Ukiuqtaqtumi pularaqtuliriniq.



UKIAKSAAQ 2024: ICC-kut iksivautangata allavvinga saqqittilauqtuq IYEP-mik. ICC-kut 170 ungataaniittunik tuksirautinik pilauqtut inunnik nunarjualimaamiittunik 12-nut iniksanut.



NUVIMPIRI 2024: Inuusuttut kiggaqtuqtingit kanatamut upassilauqtut UNFCCC COP29-mut Baku, Azerbaijan-mi, ilagijauullutik ICC-kut kiggaqtuqtinginnut.



MAATSI 2025: Katinngajut katimaniujuq IYEP-kunnit Nuuk, Kalaallit Nunaanni, taikani ICC sivuliqtingit amma iqqanaijaqtingit tamainnik allavvinnit qaujikkailauqtut inuusuttunik ilauqataujunik nunarjuarmi Inuit gavamalirinirmut mitsaanut. Katimaqataujut tusalaurmijut unikkaanik ICC-kunnut sivuliqtiulauqsimajunik ilagijauulluni Siila Watt-Cloutier, Inuit gavamalirijiit, ammalu Ukiuqtaqtumi Nunaqaqqaqsimajut sivuliqtingit.

ICC-kut iksivautanga Sara Olsvig, ICC Kalaallit Nunaannit angajuqqaangat Hjalmar Dahl (qarisaujakkut), ICC-kut iqqanaijaqtingit, ammalu IYEP-kut inuusuttut ilauqataujut katinngajunik katimaniqaqtillugit IYEP-kunnut Maatsi 2025-mi Nuuk, Kalaallit Nunaanni.



Qaakkanniagut kajusitittinnarnirijattinnut katujjiqatigiinnirijattinnik piliriatta ataagut IYEP-kut, ICC Kanatami sanngijunik nassarniaqtut inuusuttunik kiggaqtuqtiuniaqtunik UNFCCC-kut COP30-ngannut Brazil-mi, Nuvipiri 2025-mi. Niriuttiaqtugut tunngasuktittiniarnitinnik piliriqatiqarniarnittinnillu niruaqtaurataaqtumik NIYC-kutangajuqqaanganik.



Titiqqatuqait Tuqquqtausimajut amma Titiqqat Aulatauningit



IKIAQQIVIK
QAUJIGIARLUGU UVANI



Sanngijut tukisigiarutiksats ammalu titiqqanut aulattijutit atuqtauvattut ammalu atuinnautitauningit titiqqatuqarnut papattivinga pitaqariaqarmat tamainnut ICC Kanatami Katimajinginnut Pilirialimaanginnut. Saqqitaulauqtuq Julai 2022-mi, ICC Kanatami titiqqatuqarni papattivit sapujjimat amma tukimuaqtittilluni timiujut titiraqqaqutinginni. ICC-kut piqqusituqangit ilagijaummat Inuit piqqusituqanginnut: titiqqaqutivut, tarrijaaksavut, ajjinnguavut, nipiliuqsimajut, nunannguats, asingillu titiraqsimajut Inuit kajusinirilauqtanginni amma aksurnirilauqtangillu pijariatujunik pijjutitaqtut anginiqpaanik nunarjuarmi piliriangujunik. ICC Kanatami Titiqqatuqarni Papattivinga ikiaqqivikkut, qinirviujunnaqtuni tukisigiarutiqaqtuq, kikkutuinnarnut atuinnaujuq Qallunaatitut Inuktitullu. Titiraqtauvallianingit titiraqqaqutivut pilirianguvallianganinnarmat, kisianili atuinnaqtaqaqtuq qarisaujukkut ikiaqqivinganit.

TAMAANI ARRAAGUMI PIMMARIALUIT QANUILIURUTAUSIMAJUT



Amisukallait angijuutiit titiraqtausimajut aaqquisuqtaulauqtut, nalunaiqtaullutik, amma ilaliujauullutillu qarisaujukkut ikiaqqivinganut, piqasiutillugit: Inuit aqquqtingit piliriqatitaqtutik Claudio Aporta-mik, Ukiuqtaqtumi Sururnaqtunut Piliriaq, Ukiuqtaqtumi Uutturauti Piliriat, Nunarjuarmi Ukiuqtaqtumi arraagu 2007-2008, ammalu 1-nga, 2-nga, 3-nga amma 9-ngani Katimavijjuarniusimajut.



MAI 2024: ICC Kanatami Tuqquiji qaiqujaularmat nilligiatuqujaulluni Tainis Timiqutinganut nunarjuarmi qaujisarnirmut katimaniqaqtillugit nungutirinirmik tuqquqsimajunik Ukiuqtaqtumi amma nunarjuarmi maligarnik. Matusimajuq katimaniq ilinniasinnaa ammalu kikkutuinnarnut katimaniq ilagijaulauqtut kanatalimaami-qaujisaqtiit piliriqatigiittut nunguqtirinirmik titiqqatuqaujunik, tainna Tuqquiji ilagijauttiaqtuq.

Cana Kanataup kiggaqtuijingit uqausiaqatut 1-ngani ICC-kut Katimavijjuarningani 1977-mi. Saumigani taliqpianut: Bill Edmunds, Mark R. Gordon, amma Michael Amarook.



AAGGIISI 2024: Saqqitauninga ICC Kanatami Qarisaujakkut tukisigiarvik SharePoint-mi. Una taqqinut 10-nut piliriangujuq angijummariulauqtuq pijariiqtauninga takutittilluni uvattini nuunnirijattinni pituqarmik katujjaujuq qarisaujukkut tusaumaqattautijjutimik taikunga SharePoint-mut. Tamanna angilligiatittisimamarittuq qarisaujukkut sapummijausimanirmik, nanijaujunnarninginnik maannaujuq iqqanaijarvigisimajatta titiqqakutinginni, ammalu atuutiqaqtukkut piliriqatigiinni titiqqanik taakkunanngat ICC Kanatami ammalu asingit ICC-kut allavvinginni.



NUVIPIRI 2024: ICC Kanatami Katimaqataulauqtuq Nunarjuarmi Katimaniujumi Nunaqaqqaaqsimajut Tuqquivinginni, Uqalimaagaqarviit, amma Takujagaqarviit Palm Springs, California-mi mitsaanut, taikani ililauqtut pilirijusiit mitsaanut, piliriaksait, amma atuqtauvattunik nunaqaqqaaqsimajut ittarnisalirinirmut katujjiqatigiingit nunarjualimaami. Tuqquiji unikkaalauqtuq uqausiaqtuni sanajauningani ICC Kanatami Titiqatuqarnik Papattivingani qarisaujukkut tukisigiarvinganik Inuktitut Qallunaatitullu.




Quviasuppugut pitaqaqtittijariaksa tausanninniittunik titiqqanik, ajjinnguanik, amma nipiliuqsimajunik attuanikaqtut ICC-kut Katimavijjuanilimaanginni. Qiniqtugut qanuq Inuit ilautitauqattarninginni titiqqatuqarnik tuqquqsimajunik.

Inuit Sivulliujjauqujangit Silarjuarmut Tikititaulutik

Nalunaijaqsimajut ammalu qanuiliurutausimajut attuaniaqtut atuni taakkununga katimaniujunut atuinnaujut unikkaarmi. Amiangit tukiliaqtut attuaniaqtunut makpigarmut tavvani unikkaaliامي amma atuni qanuiliurniujut naqittaujunnaqtuq atavingani ilinnut turaanganiqatumi makpigarmik.

ICC Kanatami pivattut sivulliujjaujarialinnik Katimajiqutittinnut. Tusaqtitauvammijugut ilaunittinnut kanatalimaami katimajiralaanut, ammalu ilaunittinnut ICC-kunnut ammalu Kamisananginnut, ilaqaqtittivattuq avittuqsimajuni kiggaqtuijinik Kanatami.

Piliriqatigaqtuta ICC–kut allavvinginni Alaaskami, Kalaallit Nunaanni, Sukatkamilu, qaujimagiaqattaqtugut Inuit nipingit tusaqtaugaluarmangaata namituinnaq Ukiuqtaqtumi nunagijavut uqausiuliraimmat, anginiqpaanik nunarjuarmi katimaniujunik ilinniaqtulirinirmut katimaniujunut. 2024-2025-mi, ICC Kanatami sivuliqtingit, iqqanaijaqtingit, ammalu kiggaqtuqtingit ilaulauqtut qanuiliurniujunut 17-ni ajjigiinngittuni nunalirjuani, 5-ni nunarjuani. Kiggaqtuqtaunngikkaluaqtillugit tavvani nunannguarmi, ICC Kanatami ilauqattaqtut kanatalimaami piliriqatigiiktuni amma katimaqatauvattutik Inuit nunanginni Kanatami.



01	AULATTIJIIT KATIMAJINGITA KATIMANINGA ANCHORAGE, USA UTUPIRI 20 - 22, 2024	06	NUNARJUARMI KATIMAVIJJUARNIQ TK MIKSAANUT BOGOTA, COLOMBIA AAGASTI 26 - 29, 2024	11	IYEP SIVULLIQAAMI KATIMANIQ NUUK, KALAALLIT NUNAAT VIIVVUARI 28 - MAATSI 5, 2025	16	EU UKIUQTAQTUMI KATIMANIQ BRUSSELS, BELGIUM MAI 14 - 15, 2024	20	LCIPP KATIMANIQ BONN, GERMANY MAI 29 - JUUNI 2, 2024	24	UKIUQTAQTUMI PASSION INARI (AANAAR), FINLAND JUUNI 11 - 13, 2025
01	IK PILIRIQATIGIITTUT ANCHORAGE, USA VIIVVUARI 19 - 21, 2025	07	ALLIMANGA NUNARJUARMI UKIUQTAQTUMIK TUKISINIAQATIGIIT AATUVAA, KANATA TISIMPIRI 9 - 12, 2024	12	PIKIALASORSUAQ KATIMANIQ PILIRIQATIGIITTUNUT NUUK, KALAALLIT NUNAAT SITIMPIRI 11 - 12, 2024	17	KATIMANIQ KIHAUJAILUAQTAILINIRMUT AMMA NUKTIRINIQ GENEVA, SWITZERLAND UTUPIRI 8 - 10, 2024	21	TITIQTUQARNIK PAPATTIVINGANUT KATIMANIQ COPENHAGEN, DENMARK MAI 2 - 3, 2024	25	IPCC - 61-GIJANGA KATIMANIQ SOFIA, BULGARIA JULAI 26 - AAGASTI 2, 2024
02	ICC KANATAMI AGM INUUVIK, KANATA SITIMPIRI 19, 2024	07	INC-4 AAJIIQATIGIINNINGIT AATUVAA, KANATA AIPURU 21 - 30, 2024	13	UKIUQTAQTUP KAAJINGA MALIGALIURVINGAT REYKJAVIK, ICELAND UTUPIRI 17 - 19, 2024	18	CITES UUMAJUIT PIRUQSIAT UUMAJUNUT KATIMAJIRALAAT KATIMANINGA GENEVA, SWITZERLAND JULAI 12 - 19, 2024	22	EPPR AULATTIJINUT KATIMANIQ BODØ, NORWAY MAATSI 18 - 20, 2025	26	CBD SBI & SBSTA26 KATIMANIQ NAIROBI, KENYA MAI 13 - 29, 2024
03	NUNAQAQQAQSIMAJUT ITTARNISALIRINIRMUT KATIMANIQ PALM SPRINGS, USA NUVIMPIRI 12 - 14, 2024	08	UNPFII NEW YORK, USA AIPURU 15 - 26, 2024	14	CAOFA SCG HAFNARFJÖRÐUR, ICELAND MAATSI 4 - 7, 2025	19	POPS QIMIRRUJAUNINGINNUT KATIMAJIRALAAT ROME, ITALY SITIMPIRI 23 - 28, 2024	22	SAOC - PP KATIMANIQ BODØ, NORWAY MAI 28 - 29, 2024	27	LCIPP KATIMANIQ BAKU, AZERBAIJAN NUVIMPIRI 5 - 10, 2024
04	SAON BOARD KATIMANIQ BOULDER, USA MAATSI 23, 2025	09	CAOFA SCG BOSTON, USA AIPURU 8 - 11, 2024	15	IMO PPR KATIMAJIRALAAT LONDON, UNITED KINGDOM JAANNUARI 23 - 31, 2025	23	SAOC - PP KATIMANIQ TROMSØ, NORWAY JAANNUARI 27, 2025	23	UKIUQTAQTUMI KILLINGA TROMSØ, NORWAY JAANNUARI 26 - VIIVVUARI 2, 2025	27	UNFCCC COP29 BAKU, AZERBAIJAN NUVIMPIRI 11 - 2, 2024
04	4TH ICARP BOULDER, USA MAATSI 25 - 28, 2025	10	18-GIJANGA NUNARJUARMI KATIMAVIRJUARNIQ UKIUQTAQTUMIUQATIGIINUT AANNIAQARNANNGITULIRINIQ HALIFAX, KANATA NUVIMPIRI 3 - 5, 2024	15	IMO MEPC 82 LONDON, UNITED KINGDOM SITIMPIRI 30 - UTUPIRI 04, 2024	23	PAME 3-NGA UUMANIAQATUTNUT QANUILIURUTAUJUMAJUT KATIMANIQ TROMSØ, NORWAY AIPURU 16 - 18, 2024	28	IPCC - 62-GIJANGA KATIMANIQ HANGZHOU, CHINA VIIVVUARI 24 - 28, 2025	29	CAOFA COP3 INCHEON, SOUTH KOREA JUUNI 10 - 12, 2024
05	CBD COP16 (QARISAUJAKKUT ILAULAUQTUT) CALI, COLOMBIA UTUPIRI 21 - NUVIMPIRI 1, 2024	11	AULATTIJIIT KATIMAJINGITA KATIMANINGA NUUK, KALAALLIT NUNAAT MAI 11 - 13, 2024			20	UNFCCC SB KATIMANINGA BONN, GERMANY JUUNI 3 - 13, 2024	30	INC-5 AAJIIQATIGIINNINGIT BUSAN, SOUTH KOREA NUVIMPIRI 25 - TISIMPIRI 23, 2024		

Tunirrusianik Nalunaiqsiniq

**ICC Kanatami qujagijalipaaluik kajusiinnaqtumik
ikajuqtigivattaminnik kiinaujaqaqtitsijigivattatinnik
quviasuppullu qujagijamingnik taisijariaksaq ukuninga
kiinaujaqaqtitsijunit arraagumut 2024-2025:**

INUIT KATUJJIQATIGIINGIT/GAVAMAKKUT

Inuit Tapiriit Kanatami
Inuvialuit Pivalliajulirijingita Kuapuriisanngani
Makivvik
Nunatsiavut Gavamangat
Nunavut Tunngavik Timinga
Pauktuutit Inuit Arnait Kanatami

GAVAMAKKUT

Kanatami Katimajiit Sanannguarnirmut
Kanatami Sivulliqpaaq Qaujisarnirmut Piuniqpaanut Kiinaujat (ukutiguunna
Memorial Silattusarvigjuaq)
Gavamatuqakkut–Nunaqaqqaqsimajut Piliriatigiinngit amma
Ukiuqtaqtumiutalirijiit Kanatami
Avatiliriniq amma Silaup Asijjipallianinganut Kanatami
Iqalulirijikkut amma Imarmiutalirijikkut Kanatami
Nunarjuarmi Piliriat Kanatami
Nunavut Gavamakkut
Nunaqaqqaqsimajunut Pijiqtiraqtiit Kanatami–Allait Inuit
Aannaaqarnangittulirijikkut
Uqalimaagaqarvik Amma Tuquqtausimajut Kanatami – Titiqqatuqarnik
Ittarnisalirinirmut Nunalinni Piliriat

I.C.C.-KUT TIMIQUTINGA

Silaup Asijjipallianinganut Maligalirinikkut Makimajjutiksanut
Kiinaujaqaqtittiijiit
Lenfest Imarmik Piliriat/Gavamaunatik Ajauqtuijit
Kiinaujaliurasuaqtiit
MakeWay Timiqutinga
Monarch Timiqutinga
Novo Nordisk Kanatami Timinga
Imarmi Papattiniq

ASINGIT

Ukiuqtaqtumik Tukisiaqatigiit/Silattuqsarvigjuaq Laval
Ukiuqtaqtumi PASSION
Kuin Nunangani Nunaup Ataani Qaujisarniq
Kanatami Katimajiit Tuquqtausimajunut
Gordon and Betty Moore Timiqutinga
Nunarjuarmi Ukiuqtaqtumi Qaujisaqtiit Katimajiralaangit
Silattuqsarvigjuaq Manitoba
Silattuqsarvigjuaq Saskatchewan

TUNIRRUSIAQ

Dana Plesa amma Algonquin Silattusarvingani Takujaqarvimmu
Ilinniaqtut 2025–mi
Makivvik (allavvinga)
Aatuva Uqalimaagaqarvinga — Beaverbrook

Kinaujat Unikkaat

INUIT UKIUQTAQTUMIUQATIGIIT KATIMAJINGIT (KANATAMI) TIMINGA
KATISIMANGITTUT NAINAAQSIMAJUT TITIRAQTAUSIMANINGITA
TAAKKUA
KIINAUJALIRIJJUTIMINIIT
Arraagu isulippat Maatsi 31, 2025

	2025	2024
PIQUTIGIAUJUT		
Maannaujuq		
Kiinaujat	\$ 4,251,462	\$ 4,548,737
Tauqsutiminiit amma Akiliqtaujarialiit Katujjiqatigiimut	449,602	630,698
Akiliqtausimajariiqutut Akiliksanut	30,684	36,932
	4,731,748	5,216,367
Sivitujumut		
Aturaksat Akitujuutiit Piqutingit	8,860	3,252
	\$ 4,740,608	\$ 5,219,619
AKILIKSAUTUINNARIALIIT AMMALU AMIAKKUT PIQUTIGIAUJUT		
Ullumi Piqutiit		
Akiliutigijariaqaqtut akiliksat ammalu nuaksimajut akiliksat	762,261	744,120
Qiinaujat ukiuq nutaamut nuutaujut	3,838,359	4,346,759
Maannaujuq ilanga pijaksarijaujut ataani akitujunut atuqtuarnirmut	1,772	0
	4,602,392	5,090,879
Pijaksarijaujut ataani akitujunut atuqtuarnirmut	6,527	0
	\$ 4,608,919	\$ 5,090,879
Akilirialiit Akiliqtaulauqtillugit Piqutiit		
Kiinaujat atuqtat akturaksanut akigujuutiit piqutinut	561	3,252
Killiqaqtitaugutiqangittut	131,128	125,488
	131,689	128,740
	\$ 4,740,608	\$ 5,219,619

	2025	2024
KIINAUJAJAQTITSIGUTAUJUT		
Kanatami Katimajiit Sanannguarnirmut	\$ 131,000	\$ 200,834
Kanatami Katimajiit Tuquqtausimajunut	28,071	-
Gavamatuqakkut–Nunaqaqqaqsimajut Piliriatigiinningit amma Ukiuqtaqtumiutalirijiit Kanatami	551,050	584,164
Iqalulirijikkut amma Imarmiutalirijikkut Kanatami	93,964	8,770
Avatiliriniq amma Silaup Asijjipallianinganut Kanatami	291,836	52,938
Nunarjuarmi Piliriat Kanatami	681,831	991,900
Nunavut Gavamakkut	150,000	175,000
I.C.C.-kut Timiqutinga	180,195	411,427
Kalaallit Nunaat	35,921	53,413
Nunaqaqqaqsimajunut Pijiqтираqtiit Kanatami (FNIHB)	58,825	40,175
Inuit Tapiriit Kanatami	413,602	312,337
Inuvialuit Pivalliajulirijingita Kuapuriisanngani	109,154	106,605
Silattuqsarvigjuaq Laval	61,299	64,341
Uqalimaagaqarvik Amma Tuquqtausimajut Kanatami	66,998	83,448
Makivvik	107,773	0
Makivvik (allavvinga)	26,780	32,136
Memorial Silattuqsarvigjuaq (CFREF)	663,941	1,403,769
Qanuittutuinnaniingaaqtut	31,618	60,581
Gordon and Betty Moore Timiqutinga	228,494	144,598
Nunatsiavut Gavamangat	79,858	75,000
Nunavut Tunngavik Timinga	203,485	238,505
Silattuqsarvigjuaq Manitoba	53,900	-
Silattuqsarvigjuaq Saskatchewan	25,311	-
Tunusiat	-	16,650
Kanatami ittarnisalirijikkut	-	217,383
Sapujjausimaningiq Ukiuqtaqtumi Imarmiutait	-	5,691
	\$ 4,274,906	\$ 5,279,665
KIINAUJAT ATURNIKUT		
Kiinaujjaksat ammalu ikajuusiat	2,257,327	1,663,179
Aullarutiit	693,094	824,764
Qaujimalitarmut akiliutit	850,408	1,149,243
Paippaalirijinut akiliutit piliriatsanut	268,257	292,321
Tusaqattautilirinirmut	192,257	352,009
Atuqtuarutimut illumik, sunakkutaanut ammalu illuqtaujunut	145,458	148,178
Aulatsijjutinut akit	129,479	118,863
Utiqtuminiit paippalirinirmut akiliutiminirni pilirianut	(268,257)	(288,926)
Akiliqtuinirmut sukkaittumik akitujuqturutinut akiliralinnut	3,934	5,580
Kiinaujat Inuit Angiqatigiigutikkut Katujjiqatigiit	-	1,000,000
	\$ 4,271,957	\$ 5,265,211
Amiakkt kiinaujait aturnikuit qaangagut akiliqturalit	2,949	14,454

**TITIRAQSIMAJUT MIKSAANUT KATISIMANGITTUT NAINAAQSIMAJUT
TITIRAQTAUSIMANINGITA TAAKKUA
KIINAUJALIRIJJUTIMINIIT**

Arraagu isulippat Maatsi 31, 2025

1. Aulattijjutingit ammalu Pijjutingit Katimajingit

Katimajingit kiinaujaliurasuaqtiunngittunut timiujunit Titiqqanit Maligialinnik iluaniittunik maligarnit llanganni 2–mit Kanatami Kuapuriisaujunut piqujanginni Nuuvippiri 5-mit, 1984–lisarnit, pigialauqsimajut aulattijjutinut Aipulu 1–mi, 1985–mit. Pigiaqtuni Nuuvippiri 1, 2013, Kuapuriisaujuq malittutit titiraqsimajunit Kanatami Kuapuriisakkut Piqujanginnimi Kanatami kiinaujaliurasuaqtiunngittunut piqujarnit. Katimajiit akiliqsuinngittut taaksiijarutinik. Turaagali Katimajiit saqqijaaqtittilutik Inuit piqqusingit Kanatami ammalu ukiuqtaqtumi ammalu qaujititaukkanirlutit inunnik, pivallianirmit piqqusinginnillu qaujijaukkanirlutit ammalu Inuit.

2. Katiqsuqsimanngittut Unikkaat Nainaaqsimajut Kiinaujait Titiraqsimaningit

The non-coatqsuqsimanngittut unikkaat nainaaqsimajut kiinaujait titiraqsimaningit pijausimajut qaujisaqtaugiiqsimajunik katiqsuqsimanngittut kiinaujait titiraqsimaningit, titiraqtaullutit malittutit Kanatami kiinaujalirijjusinginni maligarnit kiinaujaliurasuaqtiunngittunut Ilagillugu III CPA–mit Kanatami Maligarnit – Kiinaujalirijjutiit isulittutit maajji katiqsuqsimanngittut kiinaujait titiraqsimaningit Maajji 31, 2025-mit.

Taakkua titiraqtausimajut katiqsuqsimanngittut unikkaat nainaaqsimajut kiinaujait titiraqsimaningit aulattijinut qajiusaqtaugialiit malittiaraluarmangaata katiqsuqsimanngittut nainaaqsimajut unikkaat titiraqsimaningit malittiaqullugit, titiraqsimajulimaaniinngaarlutit, naammakkaluaqqata naammaninngikkaluaqqata titiraqsimajut unikkaat qaujisaqtausimajunik katiqsuqsimanngittut kiinaujalirinirmut titiraqsimaningit.

Taakkua katiqsuqsimanngittut kiinaujalirinirmut titiraqsimaningit titiraqtausimajut aulattisijimut malittutit maligarnit:

(a) tukisigiarutiit katiqsuqsimanngittut unikkaat nainaaqsimajut kiinaujait titiraqsimaningit angirutausimajut tukisigiarutinut asinginnut pijariiqsimajunik qajiusaqtaugiiqsimajunik katiqsuqsimanngittut kiinaujalirinirmut titiraqsimaningit; amma

(b) aimainniraluqqata, titiraqsimajulimaanik, katiqsuqsimanngittut nainaaqsimajut unikkaat titiraqsimajut kiinaujait iluliqaraluqqata tammaqsimajuqaqtailimagaluarlutit uvvaluunniit malittianngittunit saqqiqtaumajuk pijariiqtausimajunik qaujisaqtaminirnit katiqsuqsimanngittut kiinaujait titiraqsimaningit, piqasiutillugit unikkaat tavvani.

Aulattiji qaujisaqtuq katiqsuqsimanngittut titiraqsimaningit asujjigialinnit piijaiviugiqsimanngittunik amma katiqsuqsimanngittut titiraqsimaningit kaasinit tukisigiakkannirutaunatit amma piqasiujjingittut katiqsuqsimanngittut kiinaujalirinirmut titiraqsimaningit.

Pijariiqtausimajut qaujisaqtausimajunik katiqsuqsimanngittut kiinaujait titiraqsimaningit Inuit Ukiuqtaqtumiuatigiit Katimajingit (Kanatami) Timinga, atuinnaujut pijaujumajuqarniqqat qaujigiarvigilugit Katimajingit.

AJJILIURISIMAJUT

*Qujannamiik taikkununga ajjinnguanik
tunisilauqtunik uvagut Arraagutamaaqsiut
Katimaninganut!*

- SIVUNIANIITTUT © Cora Kavyaktok**
PG 01 © Kanataup Angajuqqaarjuangata Allavvinga
PG 03 © Susie Ann Kudluk
PG 07 © Eva Krummel
PG 09 © Gwich’in Katimajit Nunarjuarmi
PG 14 © Anna Degteva - IPS (Ukiuqtaqtumut Katimajingit)
PG 19 © Haley White
PG 17 © Kanataup Angajuqqaarjuangata Allavvinga
PG 20 © Holly Andersen
PG 21 © ICC Kanatami
PG 24 © Susie Joanasie
PG 25 © Bjarne Lyberth
PG 26 © ICC Kalaallit Nunaat
PG 28 © ICC Kanatami
PG 30 © Hellin Alariaq
PG 32 © IPCC
PG 32 © Rose Jarause
PG 35 © Holly Andersen
PG 38 © Anita Uuttuvak
PG 42 © Haley White
PG 43 © ICC Kanatami
PG 45 © Megan Dicker
PG 47 © ICC Kalaallit Nunaat
PG 49 © ICC Kanatami
PG52 © Haley White



**INUIT CIRCUMPOLAR COUNCIL CANADA
75 ALBERT STREET, SUITE 1001
OTTAWA, ONTARIO K1P 5E7**

WWW.INUITCIRCUMPOLAR.COM